

ॐ नमः परमात्मने, श्री महागणपतये नमः, श्री गुरुभ्यो नमः
हरिः ॐ

6.1 षष्ठकाण्डे प्रथमः प्रश्नः - सोममन्त्रब्राह्मण

Contents

6.1 षष्ठकाण्डे प्रथमः प्रश्नः - सोममन्त्रब्राह्मणनिरूपणं 1

ॐ नमः परमात्मने, श्री महागणपतये नमः, श्री गुरुभ्यो नमः हरिः ॐ

6.1 षष्ठकाण्डे प्रथमः प्रश्नः - सोममन्त्रब्राह्मणनिरूपणं

6.1 षष्ठकाण्डे प्रथमः प्रश्नः - सोममन्त्रब्राह्मणनिरूपणं

TS 6.1.1.1

प्राचीनव॑श्मिति॑ प्राचीन॑ - व॒श्म॒ । क॒रोति॑ । दे॒वम॒नु॒ष्या इति॑ दे॒व - म॒नु॒ष्याः । दि॒शः । वी॒ति॑ ।
। अ॒भ॒ज॒न्त॒ । प्राची॑म् । दे॒वाः । दु॒क्षि॒णा । पि॒तरः॑ । प्र॒तीची॑म् । म॒नु॒ष्याः । उ॒दीची॑म् । रु॒द्राः ।
। यत् । प्राचीनव॑श्मिति॑ प्राचीन॑ - व॒श्म॒ । क॒रोति॑ । दे॒वलोक॑मिति॑ दे॒व - लोक॑म् । ए॒व ।
तत् । यज॑मानः । उ॒पाव॑र्तत॒ इत्यु॑प - आ॒व॑र्तते । परी॑ति॒ । श्र॒य॒ति॒ । अ॒न्तर॑हि॒त इत्य॑न्तः - हि॒तः ।
। हि॒ । दे॒वलोक॑ इति॑ दे॒व - लोकः॑ । म॒नु॒ष्यलो॒कादि॑ति॒ मनु॑ष्य - लो॒कात् । न । अ॒स्मात् ।
लो॒कात् । स्वे॒तव्य॑मिति॑ सु - ए॒तव्य॑म् । इ॒व । इति॑ । आ॒हुः । कः । हि॒ । तत् । वे॒द॑ । यदि॑
। अ॒मुष्मि॑न् । लो॒के । अ॒स्ति॑ । वा॒ । न । वा॒ । इति॑ । दि॒क्षु । अ॒तीका॑शान् । क॒रोति॑ । 1

TS 6.1.1.2

उ॒भयोः॑ । लो॒कयोः॑ । अ॒भिजि॑त्या॒ इत्य॑भि - जि॒त्यै । के॒शश्म॑श्चि॒ति के॒श-श्म॑श्चु । व॒प॒ते ।
न॒खानि॑ । नी॒ति॑ । कृ॒न्त॒ते । मृ॒ता । वै । ए॒षा । त्वक् । अ॒मे॒द्व्या । यत् । के॒शश्म॑श्चि॒ति
के॒श - श्म॑श्चु । मृ॒ताम् । ए॒व । त्वच्॑म् । अ॒मे॒द्व्याम् । अ॒प॒ह॒त्ये॒त्यप॑-ह॒त्य॑ । य॒ज्ञियः॑ ।
भू॒त्वा । मे॒धम् । उ॒पेति॑ । ए॒ति॒ । अ॒ङ्गिर॑सः । सु॒व॒र्गमि॑ति॒ सु॒वः - गम् । लो॒कम् ।

यन्तः । अ॒प्स्वि॒त्यप्-सु । दी॒क्षा॒त॒पसी॑ इति दीक्षा-त॒पसी॑ । प्रेति॑ । अ॒वे॒शय॑न् । अ॒प्स्वि॒त्यप्-सु । स्ना॒ति । सा॒क्षादि॑ति स - अ॒क्षात् । ए॒व । दी॒क्षा॒त॒पसी॑ इति दीक्षा - त॒पसी॑ । अ॒वेति॑ । रु॒न्धे । ती॒र्थे । स्ना॒ति । ती॒र्थे । हि । ते । ताम् । प्रेति॑ । अ॒वे॒शय॑न् । ती॒र्थे । स्ना॒ति । 2

TS 6.1.1.3

ती॒र्थम् । ए॒व । स॒मा॒ना॒नाम् । भ॒वति॑ । अ॒पः । अ॒श्ना॒ति । अ॒न्त॒र॒तः । ए॒व । मे॒द्धयः॑ । भ॒वति॑ । वा॒स॒सा । दी॒क्षय॑ति । सौ॒म्यम् । वै । क्षौ॒मम् । दे॒वता॑या । सो॒मम् । ए॒षः । दे॒वता॑म् । उ॒पेति॑ । ए॒ति । यः । दी॒क्षते॑ । सो॒मस्य॑ । त॒नूः । अ॒सि । त॒नुव॑म् । मे । पा॒हि । इति॑ । आ॒ह । स्वा॒म् । ए॒व । दे॒वता॑म् । उ॒पेति॑ । ए॒ति । अथो॑ इति॑ । आ॒शिष॑मि॒त्या । शि॒षम् । ए॒व । ए॒ताम् । ए॒ति । शा॒स्ते । अ॒ग्नेः । तू॒षा॒धान॑मि॒ति तू॒ष - आ॒धान॑म् । वा॒योः । वा॒त॒पा॒न॒मि॒ति वा॒त॒पा॒नम् । पि॒तृ॒णाम् । नी॒विः । ओ॒ष॒धी॒नाम् । प्र॒घा॒त इति॑ प्र - घा॒तः । 3

TS 6.1.1.4

आ॒दि॒त्या॒नाम् । प्रा॒ची॒न॒ता॒न इति॑ प्राचीन - ता॒नः । वि॒श्वे॑षाम् । दे॒वा॒नाम् । ओ॒तुः । नक्ष॑त्राणाम् । अ॒ती॒का॒शाः । तत् । वै । ए॒तत् । स॒र्व॒दे॒व॒त्य॑मि॒ति सर्व॑ - दे॒व॒त्यम् । यत् । वा॒सः । यत् । वा॒स॒सा । दी॒क्षय॑ति । सर्वा॑भिः । ए॒व । ए॒नुम् । दे॒वता॑भिः । दी॒क्षय॑ति । ब॒हिःप्रा॑ण इति॑ ब॒हिः - प्रा॑णः । वै । म॒नु॒ष्यः । तस्य॑ । अ॒श॒नम् । प्रा॑ण इति॑ प्र - अ॒नः । अ॒श्ना॒ति । स॒प्रा॑ण इति॑ स - प्रा॑णः । ए॒व । दी॒क्षते॑ । आ॒शितः॑ । भ॒वति॑ । या॒वान् । ए॒व । अ॒स्य । प्रा॑ण इति॑ प्र - अ॒नः । तेन॑ । स॒ह । मे॒धम् । उ॒पेति॑ । ए॒ति । घृ॒तम् । दे॒वा॒नाम् । म॒स्तु । पि॒तृ॒णाम् । नि॒ष्प॑क॒मि॒ति निः - प॒कम् । म॒नु॒ष्या॑णाम् । तत् । वै । 4

TS 6.1.1.5

ए॒तत् । स॒र्व॒दे॒व॒त्य॑मि॒ति सर्व॑ - दे॒व॒त्यम् । यत् । न॒व॒नी॒त॒मि॒ति न॒व - नी॒तम् । यत् । न॒व॒नी॒ते॒नेति॑ न॒व - नी॒तेन॑ । अ॒भ्य॒ङ्ग इत्य॑भि - अ॒ङ्गे । सर्वाः॑ । ए॒व । दे॒वताः॑ । प्री॒णा॒ति । प्र॒च्यु॑त इति॑ प्र -

च्युतः । वै । एषः । अस्मात् । लोकात् । अगतः । देवलोकमिति देव - लोकम् । यः । दीक्षितः । अन्तरा । इव । नवनीतमिति नव - नीतम् । तस्मात् । नवनीतेनेति नव - नीतेन । अभीति । अङ्गे । अनुलोममित्यनु - लोमम् । यजुषा । व्यावृत्त्या इति वि - आवृत्त्यै । इन्द्रः । वृत्रम् । अहन् । तस्य । कनीनिका । परेति । अपतत् । तत् । आज्ञनमित्या-अज्ञनम् । अभवत् । यत् । आङ्ग इत्या - अङ्गे । चक्षुः । एव । भ्रातृव्यस्य । वृङ्गे । दक्षिणम् । पूर्वम् । एति । अङ्गे । 5

TS 6.1.1.6

सव्यम् । हि । पूर्वम् । मनुष्याः । आज्ञत इत्या - अज्ञते । न । नीति । धावते । नीति । इव । हि । मनुष्याः । धावन्ते । पञ्च । कृत्वं । एति । अङ्गे । पञ्चाक्षरेति पञ्च-अक्षरा । पङ्क्तिः । पाङ्क्तः । यज्ञः । यज्ञम् । एव । अवेति । रुन्धे । परिमितमिति परि - मितम् । एति । अङ्गे । अपरिमितमित्यपरि - मितम् । हि । मनुष्याः । आज्ञत इत्या - अज्ञते । सतूलयेति स-तूलया । एति । अङ्गे । अपतूलयेत्यप-तूलया । हि । मनुष्याः । आज्ञत इत्या - अज्ञते । व्यावृत्त्या इति वि - आवृत्त्यै । यत् । अपतूलयेत्यप - तूलया । आङ्गीतेत्या - अङ्गीत । वज्रः । इव । स्यात् । सतूलयेति स - तूलया । एति । अङ्गे । मित्रत्वायेति मित्र - त्वाय । 6

TS 6.1.1.7

इन्द्रः । वृत्रम् । अहन् । सः । अपः । अभीति । अग्नियत् । तासाम् । यत् । मेद्वयम् । यज्ञियम् । सदेवमिति स - देवम् । आसीत् । तत् । अप । उदिति । अक्रामत् । ते । दुर्भाः । अभवन् । यत् । दुर्भपुञ्जीलैरिति दर्भ - पुञ्जीलैः । पवयति । याः । एव । मेद्व्याः । यज्ञियाः । सदेवा इति स - देवाः । आपः । ताभिः । एव । एनम् । पवयति । द्वाभ्याम् । पवयति । अहोरात्राभ्यामित्यहः-रात्राभ्याम् । एव । एनम् । पवयति । त्रिभिरिति त्रि - भिः । पवयति । त्रयः । इमे । लोकाः । एभिः । एव । एनम् । लोकैः । पवयति । पञ्चभिरिति पञ्च - भिः । 7

TS 6.1.1.8

प॒व॒य॒ति । प॒ञ्चाक्ष॑रेति प॒ञ्च - अ॒क्ष॒रा । प॒ङ्क्तिः । पा॒ङ्क्तः । य॒ज्ञः । य॒ज्ञाय॑ । ए॒व । ए॒न॒म् ।
 प॒व॒य॒ति । ष॒ङ्गिरि॑ति षट् - भिः । प॒व॒य॒ति । षट् । वै । ऋ॒तवः॑ । ऋ॒तुभि॑रित्यृ॒तु - भिः । ए॒व
 । ए॒न॒म् । प॒व॒य॒ति । स॒प्तभि॑रिति स॒प्त - भिः । प॒व॒य॒ति । स॒प्त । छ॒न्दा॑सि । छ॒न्दो॑भि॒रिति
 छ॒न्दः - भिः । ए॒व । ए॒न॒म् । प॒व॒य॒ति । न॒वभि॑रिति न॒व - भिः । प॒व॒य॒ति । न॒व ।
 वै । पुरु॑षे । प्रा॒णा इति॑ प्र - अ॒नाः । स॒प्रा॒णमि॑ति स॒प्रा॒णम् । ए॒व । ए॒न॒म् । प॒व॒य॒ति ।
 ए॒क॒वि॒ंश॒त्ये॒त्येक॑-वि॒ंश॒त्या । प॒व॒य॒ति । द॒श । ह॒स्त्याः । अ॒ङ्गुल॑यः । द॒श । प॒द्याः । आ॒त्मा
 । ए॒क॒वि॒ंश इ॒त्येक॑ - वि॒ंशः । या॒वान् । ए॒व । पुरु॑षः । तम् । अ॒परि॑वर्ग॒मित्य॑परि - वर्ग॒म् । 8

TS 6.1.1.9

प॒व॒य॒ति । चि॒त्प॒तिरि॑ति चि॒त् - प॒तिः । त्वा । पु॒ना॒तु । इति॑ । आ॒ह । मनः॑ । वै ।
 चि॒त्प॒तिरि॑ति चि॒त् - प॒तिः । मन॑सा । ए॒व । ए॒न॒म् । प॒व॒य॒ति । वा॒क्प॒तिरि॑ति वाक् - प॒तिः
 । त्वा । पु॒ना॒तु । इति॑ । आ॒ह । वा॒चा । ए॒व । ए॒न॒म् । प॒व॒य॒ति । दे॒वः । त्वा ।
 स॒वि॒ता । पु॒ना॒तु । इति॑ । आ॒ह । स॒वि॒तृप्र॑सूत इति स॒वि॒तृ - प्र॑सूतः । ए॒व । ए॒न॒म् ।
 प॒व॒य॒ति । तस्य॑ । ते । प॒वि॒त्रप॑त इति प॒वि॒त्र - प॑ते । प॒वि॒त्रेण॑ । यस्मै॑ । कम् । पु॒ने ।
 तत् । श॒क्रे॒यम् । इति॑ । आ॒ह । आ॒शिष॑मित्या॑ - शिष॑म् । ए॒व । ए॒ताम् । एति॑ । शा॒स्ते ॥ 9

(अ॒ती॒का॒शान् क॑रोत्य - वे॒शय॑न् ति॒र्थं स्ना॑ति - प्र॒घा॒तो - म॑नु॒ष्या॑णां तद्वा - आ॒ङ्गै - मि॒त्र॒त्वाय॑ -
 प॒ञ्चभि॑ - र॒परि॑वर्ग - म॒ष्टाच॑त्वारि॒ंशच्च॑) (A1)

TS 6.1.2.1

याव॑न्तः । वै । दे॒वाः । य॒ज्ञाय॑ । अपु॑नत । ते । ए॒व । अ॒भ॒व॒न् । यः । ए॒वम् । वि॒द्वान्
 । य॒ज्ञाय॑ । पु॒नी॒ते । भ॒व॑ति । ए॒व । ब॒हिः । प॒व॒यित्वा । अ॒न्तः । प्रेति॑ । पा॒द॒य॒ति ।
 म॒नु॒ष्य॒लो॒क इति॑ मनु॒ष्य - लो॒के । ए॒व । ए॒न॒म् । प॒व॒यित्वा । पू॒तम् । दे॒व॒लो॒कमि॑ति दे॒व -

लोकम् । प्रेतिं । नयति । अदीक्षितः । एकया । आहुत्येत्या - हुत्या । इति । आहुः । सुवेणं । चतस्रः । जुहोति । दीक्षितत्वायेति दीक्षित-त्वायं । सुचा । पञ्चमीम् । पञ्चाक्षरेति पञ्च - अक्षरा । पङ्क्तिः । पाङ्क्तः । यज्ञः । यज्ञम् । एव । अवेति । रुन्धे । आकूत्या इत्या - कूत्यै । प्रयुज इति प्र - युजे । अग्रये । 10

TS 6.1.2.2

स्वाहा । इति । आह । आकूत्येत्या - कूत्या । हि । पुरुषः । यज्ञम् । अभीतिं । प्रयुङ्क्ते इति प्र-युङ्क्ते । यजेय । इति । मेधायै । मनसे । अग्रये । स्वाहा । इति । आह । मेधया । हि । मनसा । पुरुषः । यज्ञम् । अभिगच्छतीत्यभि - गच्छति । सरस्वत्यै । पूष्णे । अग्रये । स्वाहा । इति । आह । वाक् । वै । सरस्वती । पृथिवी । पूषा । वाचा । एव । पृथिव्या । यज्ञम् । प्रेतिं । युङ्क्ते । आपः । देवीः । बृहतीः । विश्वशभुव इति विश्व-शभुवः । इति । आह । याः । वै । वर्ष्याः । ताः । 11

TS 6.1.2.3

आपः । देवीः । बृहतीः । विश्वशभुव इति विश्व - शभुवः । यत् । एतत् । यजुः । न । ब्रूयात् । दिव्याः । आपः । अशान्ताः । इमम् । लोकम् । एति । गच्छेयुः । आपः । देवीः । बृहतीः । विश्वशभुव इति विश्व-शभुवः । इति । आह । अस्मै । एव । एनाः । लोकाय । शमयति । तस्मात् । शान्ताः । इमम् । लोकम् । एति । गच्छन्ति । द्यावापृथिवी इति द्यावा - पृथिवी । इति । आह । द्यावापृथिव्योरिति द्यावा-पृथिव्योः । हि । यज्ञः । उरु । अन्तरिक्षम् । इति । आह । अन्तरिक्षे । हि । यज्ञः । बृहस्पतिः । नः । हविषा । वृधातु । 12

TS 6.1.2.4

इति । आह । ब्रह्म । वै । देवानाम् । बृहस्पतिः । ब्रह्मणा । एव । अस्मै । यज्ञम् । अवेति

। रुन्धे । यत् । ब्रूयात् । विधेः । इति । यज्ञस्थाणुमिति यज्ञ - स्थाणुम् । ऋच्छेत् । वृधातु । इति । आह । यज्ञस्थाणुमिति यज्ञ - स्थाणुम् । एव । परीति । वृणक्ति । प्रजापतिरिति प्रजा - पतिः । यज्ञम् । असृजत् । सः । अस्मात् । सृष्टः । पराङ् । ऐत् । सः । प्रेति । यजुः । अल्लीनात् । प्रेति । साम । तम् । ऋक् । उदिति । अयच्छत् । यत् । ऋक् । उदयच्छदित्युत् - अयच्छत् । तत् । औद्ग्रहणस्येत्यौत्-ग्रहणस्य । औद्ग्रहणत्वमित्यौद्ग्रहण - त्वम् । ऋचा । 13

TS 6.1.2.5

जुहोति । यज्ञस्य । उद्यत्या इत्युत् - यत्यै । अनुष्टुबित्यनु - स्तुप् । छन्दसाम् । उदिति । अयच्छत् । इति । आहुः । तस्मात् । अनुष्टुभेत्यनु - स्तुभा । जुहोति । यज्ञस्य । उद्यत्या इत्युत् - यत्यै । द्वादश । वाथ्सबन्धानीति वाथ्स - बन्धानि । उदिति । अयच्छत् । इति । आहुः । तस्मात् । द्वादशभिरिति द्वादश-भिः । आथ्सबन्धविदु इति वाथ्सबन्ध - विदः । दीक्षयन्ति । सा । वै । एषा । ऋक् । अनुष्टुगित्यनु - स्तुक् । वाक् । अनुष्टुगित्यनु - स्तुक् । यत् । एतया । ऋचा । दीक्षयति । वाचा । एव । एनम् । सर्वया । दीक्षयति । विश्वे । देवस्य । नेतुः । इति । आह । सावित्री । एतेन । मर्तः । वृणीत । सख्यम् । 14

TS 6.1.2.6

इति । आह । पितृदेवत्येति पितृ - देवत्या । एतेन । विश्वे । रायः । इष्टुद्भ्यसि । इति । आह । वैश्वदेवीति वैश्व-देवी । एतेन । द्युम्नम् । वृणीत । पुष्यसे । इति । आह । पौष्णी । एतेन । सा । वै । एषा । ऋक् । सर्वदेवत्येति सर्व - देवत्या । यत् । एतया । ऋचा । दीक्षयति । सर्वाभिः । एव । एनम् । देवताभिः । दीक्षयति । सप्ताक्षरमिति सप्त - अक्षरम् । प्रथमम् । पदम् । अष्टाक्षराणीत्यष्टा - अक्षराणि । त्रीणि । यानि । त्रीणि । तानि । अष्टौ । उपेति । यन्ति । यानि । चत्वारि । तानि । अष्टौ । यत् । अष्टाक्षरेत्यष्टा - अक्षरा । तेन । 15

TS 6.1.2.7

गा॒य॒त्री । यत् । एका॑द॒शाक्ष॑रेत्येका॑द॒श - अ॒क्षरा॑ । तेन॑ । त्रि॒ष्टुक् । यत् । द्वा॑द॒शाक्ष॑रेति द्वा॑द॒श
- अ॒क्षरा॑ । तेन॑ । जग॑ती । सा । वै । ए॒षा । ऋक् । सर्वा॑णि । छन्दा॑श्सि । यत् । ए॒तया॑
। ऋ॒चा । दी॒क्षय॑ति । सर्वे॑भिः । ए॒व । ए॒नम् । छन्दा॑भिरिति छन्दः - भिः । दी॒क्षय॑ति ।
स॒प्ताक्ष॑रमिति स॒प्त - अ॒क्षरम् । प्र॒थमम् । प॒दम् । स॒प्तप॑देति स॒प्त - प॒दा । शक्र॑री । प॒शवः॑ ।
शक्र॑री । प॒शून् । ए॒व । अवे॑ति । रु॒न्धे । एक॑स्मात् । अ॒क्षरा॑त् । अना॑प्तम् । प्र॒थमम् ।
प॒दम् । तस्मा॑त् । यत् । वा॒चः । अना॑प्तम् । तत् । म॒नुष्याः॑ । उपे॑ति । जी॒वन्ति॑ । पूर्ण॑या
। जुहो॑ति () । पूर्णः । इ॒व । हि । प्र॒जाप॑तिरिति प्र॒जा-प॑तिः । प्र॒जाप॑तेरिति प्र॒जा-प॑तेः ।
आस्यै॑ । न्यू॒नये॑ति नि-ऊ॒नया॑ । जुहो॑ति । न्यू॒नादि॑ति नि - ऊ॒नात् । हि । प्र॒जाप॑तिरिति प्र॒जा
- प॑तिः । प्र॒जा इति॑ प्र - जाः । असृ॑जत । प्र॒जाना॑मिति प्र-जाना॑म् । सृष्ट्यै॑ ॥ 16

(अ॒ग्नये॑ - ता - वृ॒धात्वृ॑ - चा - सु॒ख्यं - तेन॑ - जुहो॑ति - पञ्चद॑श च) (A2)

TS 6.1.3.1

ऋ॒ग्व्सा॒मे इत्यृ॑क्-सा॒मे । वै । दे॒वेभ्यः॑ । य॒ज्ञाय॑ । अति॑ष्ठमा॒ने इति॑ । कृष्णः॑ । रू॒पम् । कृ॒त्वा
। अ॒प॒क्रम्ये॑त्यप - क्र॒म्यं । अ॒तिष्ठ॑ताम् । ते । अ॒म॒न्य॒न्त । यम् । वै । इ॒मे इति॑ । उ॒पा॒व॒थ्स्य॑त
इत्यु॑प-आ॒व॒थ्स्य॑तः । सः । इ॒दम् । भु॒विष्य॑ति । इति॑ । ते इति॑ । उपे॑ति । अ॒म॒न्त्र॒य॒न्त ।
ते इति॑ । अ॒हो॒रा॒त्रयो॑रित्यहः - रा॒त्रयोः॑ । म॒हिमा॑नम् । अ॒प॒नि॒धाये॑त्यप - नि॒धाय॑ । दे॒वान् ।
उ॒पा॒व॒तेता॑मित्यु॑प-आ॒व॒तेता॑म् । ए॒षः । वै । ऋ॒चः । वर्णः॑ । यत् । शु॒क्लम् । कृष्णा॑जिनस्येति
कृष्ण - अ॒जिन॑स्य । ए॒षः । सा॒मः । यत् । कृष्ण॑म् । ऋ॒ग्व्सा॒मयो॑रित्यृ॑क् - सा॒मयोः॑ । शिल्पे॑
इति॑ । स्थः । इति॑ । आ॒ह । ऋ॒ग्व्सा॒मे इत्यृ॑क् - सा॒मे । ए॒व । अवे॑ति । रु॒न्धे । ए॒षः । 17

TS 6.1.3.2

वै । अ॒हः । वर्णः॑ । यत् । शु॒क्लम् । कृष्णा॑जिनस्येति कृष्ण - अ॒जिन॑स्य । ए॒षः । रा॒त्रियाः॑

। यत् । कृष्णम् । यत् । एव । ए॒न॒योः । तत्र॑ । न्य॑क्तुमिति॒ नि॒-अ॒क्तम् । तत् । ए॒व ।
अवे॑ति । रु॒न्धे । कृष्णा॒जि॒नेनेति॑ कृष्ण-अ॒जि॒नेन॑ । दी॒क्ष॒य॒ति । ब्रह्म॑णः । वै । ए॒तत् । रू॒पम् ।
। यत् । कृष्णा॒जि॒नमिति॑ कृष्ण - अ॒जि॒नम् । ब्रह्म॑णा । ए॒व । ए॒न॒म् । दी॒क्ष॒य॒ति । इ॒माम् ।
धि॒य॑म् । शि॒क्ष॑माणस्य । दे॒व । इति॑ । आ॒ह । य॒था॒य॒जुरिति॑ यथा - य॒जुः । ए॒व । ए॒तत् ।
। गर्भः॑ । वै । ए॒षः । यत् । दी॒क्षितः॑ । उ॒ल्ब॑म् । वा॒सः । प्रेति॑ । ऊ॒र्णु॒ते । तस्मा॑त् । 18

TS 6.1.3.3

गर्भाः॑ । प्रावृ॑ताः । जा॒य॒न्ते । न । पु॒रा । सोम॑स्य । ऋ॒यात् । अपे॑ति । ऊ॒र्ण्वी॒त् । यत् ।
। पु॒रा । सोम॑स्य । ऋ॒यात् । अ॒पो॒र्ण्वी॒तेत्य॑प-ऊ॒र्ण्वी॒त् । गर्भाः॑ । प्र॒जा॒ना॒मिति॑ प्र - जा॒ना॑म् ।
प॒रा॒पातु॑का इति॑ प॒रा॒-पातु॑काः । स्युः । क्री॒ते । सोमे॑ । अपे॑ति । ऊ॒र्णु॒ते । जा॒य॒ते । ए॒व ।
तत् । अथो॑ इति॑ । यथा॑ । वसी॑या॒श्सम् । प्र॒त्य॒पो॒र्णु॒त इति॑ प्रति -अ॒पो॒र्णु॒ते । ता॒दृक् । ए॒व ।
तत् । अ॒ङ्गि॒रसः । सु॒व॒र्गमिति॑ सु॒वः - गम् । लो॒कम् । यन्तः॑ । ऊ॒र्ज॑म् । वी॒ति । अ॒भ॒ज॒न्त ।
। ततः॑ । यत् । अ॒त्य॒शि॒ष्य॒तेत्य॑ति - अ॒शि॒ष्य॒त । ते । श॒राः । अ॒भ॒व॒न् । ऊ॒र्क् । वै ।
श॒राः । यत् । श॒र॒मयी॑ति॑ श॒र - मयी॑ । 19

TS 6.1.3.4

मे॒ख॒ला । भव॑ति । ऊ॒र्ज॑म् । ए॒व । अवे॑ति । रु॒न्धे । म॒द्ध्य॒तः । समि॑ति । न॒ह्य॒ति । म॒द्ध्य॒तः ।
। ए॒व । अ॒स्मै । ऊ॒र्ज॑म् । दु॒धा॒ति । तस्मा॑त् । म॒द्ध्य॒तः । ऊ॒र्जा । भु॒ञ्ज॒ते । ऊ॒र्ध्व॑म् । वै ।
। पु॒रु॒षस्य॑ । ना॒भ्यै । मे॒द्ध्य॑म् । अ॒वा॒ची॒नम् । अ॒मे॒द्ध्य॑म् । यत् । म॒द्ध्य॒तः । स॒न्न॒ह्य॒तीति॑
सं - न॒ह्य॒ति । मे॒द्ध्य॑म् । च । ए॒व । अ॒स्य । अ॒मे॒द्ध्य॑म् । च । व्या॒व॒र्त॒य॒तीति॑ वि-आ॒व॒र्त॒य॒ति ।
। इन्द्रः॑ । वृ॒त्राय॑ । व॒ज्र॑म् । प्रेति॑ । अ॒ह॒र॒त् । सः । त्रे॒धा । वी॒ति । अ॒भ॒व॒त् । स्प॒यः ।
तृ॒ती॒यम् । रथः॑ । तृ॒ती॒यम् । यू॒पः । तृ॒ती॒यम् । 20

TS 6.1.3.5

ये । अ॒न्त॒र॒श॒रा इत्य॑न्तः-श॒राः । अ॒शीर्य॑न्त । ते । श॒राः । अ॒भ॒व॒न् । तत् । श॒राणा॑म् । श॒र॒त्वमि॑ति शर-त्वम् । व॒ज्रः । वै । श॒राः । क्षु॒त् । ख॒लु । वै । म॒नुष्य॑स्य । भ्रातृ॑व्यः । यत् । श॒र॒मयी॑ति शर - मयी । मे॒ख॒ला । भ॒व॒न्ति । व॒ज्रेण॑ । ए॒व । सा॒क्षादि॑ति स-अ॒क्षात् । क्षु॒धम् । भ्रातृ॑व्यम् । म॒द्भ्य॑तः । अ॒पेति॑ । ह॒ते । त्रि॒वृदि॑ति त्रि - वृत् । भ॒व॒ति । त्रि॒वृदि॑ति त्रि - वृत् । वै । प्रा॒ण इति॑ प्र - अ॒नः । त्रि॒वृत्ति॑ति त्रि - वृत्तम् । ए॒व । प्रा॒णमि॑ति प्र - अ॒नम् । म॒द्भ्य॑तः । य॒ज॒माने॑ । दु॒धा॒ति । पृ॒थ्वी । भ॒व॒ति । रज्जू॑नाम् । व्यावृ॑त्या इति॑ वि - आ॒वृ॒त्यै । मे॒ख॒लया॑ । य॒ज॒मानम् । दी॒क्ष॒य॒ति । यो॒क्त्रेण॑ । प॒त्नीम् । मि॒थु॒न॒त्वाये॑ति मिथुन - त्वाय॑ । 21

TS 6.1.3.6

य॒ज्ञः । दक्षि॑णाम् । अ॒भीति॑ । अ॒द्भ्या॒य॒त् । ताम् । स॒मि॒ति । अ॒भ॒व॒त् । तत् । इन्द्रः॑ । अ॒चा॒य॒त् । सः । अ॒म॒न्य॒त् । यः । वै । इ॒तः । ज॒निष्य॑ते । सः । इ॒दम् । भ॒विष्य॑ति । इति॑ । ताम् । प्रेति॑ । अ॒वि॒श॒त् । तस्याः॑ । इन्द्रः॑ । ए॒व । अ॒जा॒य॒त् । सः । अ॒म॒न्य॒त् । यः । वै । म॒त् । इ॒तः । अ॒प॒रः । ज॒निष्य॑ते । सः । इ॒दम् । भ॒विष्य॑ति । इति॑ । तस्याः॑ । अ॒नु॒मृ॒श्येत्य॑नु - मृ॒श्य॑ । यो॒निम् । ए॒ति । अ॒च्छि॒न॒त् । सा । सू॒त॒व॒शेति॑ सू॒त - व॒शा । अ॒भ॒व॒त् । तत् । सू॒त॒व॒शाया॑ इति॑ सू॒त - व॒शायै॑ । जन्म॑ । 22

TS 6.1.3.7

ताम् । ह॒स्ते । नी॒ति । अ॒वेष्ट॑यत् । ताम् । मृ॒गेषु॑ । नी॒ति । अ॒दु॒धा॒त् । सा । कृ॒ष्ण॒विषा॑णेति॑ कृष्ण - विषा॑णा । अ॒भ॒व॒त् । इन्द्र॑स्य । यो॒निः । अ॒सि । मा । मा । हि॒सीः । इति॑ । कृ॒ष्ण॒विषा॑णामिति॑ कृष्ण - विषा॑णाम् । प्रेति॑ । य॒च्छति॑ । स॒यो॒निमि॑ति स - यो॒निम् । ए॒व । य॒ज्ञम् । क॒रो॒ति । स॒यो॒निमि॑ति स - यो॒निम् । दक्षि॑णाम् । स॒यो॒निमि॑ति स - यो॒निम् । इन्द्र॑म् । स॒यो॒नि॒त्वाये॑ति स॒यो॒नि॒त्वाय॑ । कृ॒ष्यै । त्वा । सु॒स॒स्याया॑ इति॑ सु - स॒स्यायै॑ । इति॑ । आ॒ह । तस्मा॑त् । अ॒कृ॒ष्ट॒प॒च्या इत्य॑कृष्ट - प॒च्याः । ओष॑धयः । प॒च्य॒न्ते । सु॒पि॒प्प॒लाभ्य॑ इति॑ सु - पि॒प्प॒लाभ्यः॑ । त्वा । ओष॑धीभ्य॒ इत्यो॑षधि - भ्यः । इति॑ । आ॒ह । तस्मा॑त् । ओष॑धयः ।

फलम् । गृह्णन्ति । यत् । हस्तेन । 23

TS 6.1.3.8

कृण्डूयेत । पामनम्भावुका इति पामनम् - भावुकाः । प्रजा इति प्र - जाः । स्युः । यत् । स्मयेत । नग्रम्भावुका इति नग्रम् - भावुकाः । कृष्णविषाणयेति कृष्ण-विषाणया । कृण्डूयते । अपिगृह्येत्यपि - गृह्ये । स्मयते । प्रजानामिति प्र - जानाम् । गोपीथाय । न । पुरा । दक्षिणाभ्यः । नेतोः । कृष्णविषाणामिति कृष्ण - विषाणाम् । अवेति । चृतेत् । यत् । पुरा । दक्षिणाभ्यः । नेतोः । कृष्णविषाणामिति कृष्ण-विषाणाम् । अवचृतेदित्यव-चृतेत् । योनिः । प्रजानामिति प्र - जानाम् । परापातुकेति परा - पातुका । स्यात् । नीतासु । दक्षिणासु । चात्वाले । कृष्णविषाणामिति कृष्ण - विषाणाम् । प्रेति । अस्यति । योनिः । वै । यस्स्य । चात्वालम् । योनिः । कृष्णविषाणेति कृष्ण - विषाणा । योनौ । एव । योनिम् । दुधाति । यस्स्य । सयोनित्वायेति सयोनि - त्वाय ॥ 24

(रुन्ध एष - तस्मा - च्छरमयी - यूपस्तृतीयं - मिथुनत्वाय - जन्म - हस्तेना - ऽष्टाचत्वारिंशच्च)
(A3)

TS 6.1.4.1

वाक् । वै । देवेभ्यः । अपेति । अक्रामत् । यज्ञाय । अतिष्ठमाना । सा । वनस्पतीन् । प्रेति । अविशत् । सा । एषा । वाक् । वनस्पतिषु । वदति । या । दुन्दुभौ । या । तूणवे । या । वीणायाम् । यत् । दीक्षितदण्डमिति दीक्षित-दण्डम् । प्रयच्छतीति प्र-यच्छति । वाचम् । एव । अवेति । रुन्धे । औदुम्बरः । भवति । ऊर्क् । वै । उदुंबरः । ऊर्जम् । एव । अवेति । रुन्धे । मुखेन । सम्मित इति सं - मितः । भवति । मुखतः । एव । अस्मै । ऊर्जम् । दुधाति । तस्मात् । मुखतः । ऊर्जा । भुञ्जते । 25

TS 6.1.4.2

क्री॒ते । सोमै॑ । मै॒त्राव॒रु॒णायेति॑ मै॒त्रा - व॒रु॒णाय॑ । दुण्ड॑म् । प्रेति॑ । य॒च्छति॑ । मै॒त्राव॒रु॒ण इति॑
मै॒त्रा - व॒रु॒णः । हि । पु॒रस्ता॑त् । ऋ॒त्विग्भ्य॑ इत्यृ॒त्विक् - भ्यः॑ । वाच॑म् । वि॒भज॑तीति॑ वि -
भज॑ति । ताम् । ऋ॒त्विजः॑ । यज॑माने । प्रतीति॑ । स्थाप॑यन्ति । स्वाहा॑ । य॒ज्ञम् । मन॑सा ।
इति॑ । आ॒ह । मन॑सा । हि । पुरु॑षः । य॒ज्ञम् । अ॒भिगच्छ॑तीत्य॑भि - गच्छ॑ति । स्वाहा॑ ।
द्यावा॑पृथि॒वीभ्या॑मिति॑ द्यावा॑ - पृथि॒वीभ्या॑म् । इति॑ । आ॒ह । द्यावा॑पृथि॒व्योरिति॑ द्यावा॑-पृथि॒व्योः ।
हि । य॒ज्ञः । स्वाहा॑ । उ॒रोः । अ॒न्तरिक्षा॑त् । इति॑ । आ॒ह । अ॒न्तरिक्षे॑ । हि । य॒ज्ञः ।
स्वाहा॑ । य॒ज्ञम् । वाता॑त् । एति॑ । र॒भे । इति॑ । आ॒ह । अ॒यम् । 26

TS 6.1.4.3

वाव । यः । पव॑ते । सः । य॒ज्ञः । तम् । ए॒व । सा॒क्षादिति॑ स-अ॒क्षात् । एति॑ । र॒भते॑ ।
मुष्टी॑ इति॑ । क॒रोति॑ । वाच॑म् । य॒च्छति॑ । य॒ज्ञस्य॑ । धृ॒त्यै । अदी॑क्षिष्ट । अ॒यम् । ब्रा॒ह्मणः॑
। इति॑ । त्रिः । उ॒पा॒श्चित्यु॑प - अ॒शु । आ॒ह । दे॒वेभ्यः॑ । ए॒व । ए॒नम् । प्रेति॑ । आ॒ह
। त्रिः । उ॒च्चैः । उ॒भये॑भ्यः । ए॒व । ए॒नम् । दे॒वमनु॑ष्येभ्य॑ इति॑ दे॒व - मनु॑ष्येभ्यः । प्रेति॑ ।
आ॒ह । न । पु॒रा । नक्ष॑त्रेभ्यः । वाच॑म् । वी॒तिं । सृ॒जेत् । यत् । पु॒रा । नक्ष॑त्रेभ्यः ।
वाच॑म् । वि॒सृजे॑दिति॑ वि - सृ॒जेत् । य॒ज्ञम् । वी॒तिं । छि॒न्धात् । 27

TS 6.1.4.4

उदि॑तेष्वित्युत् - इ॒तेषु॑ । नक्ष॑त्रेषु । व्र॒तम् । कृ॒णु॒त् । इति॑ । वाच॑म् । वी॒तिं । सृ॒जति॑ ।
य॒ज्ञव्र॑त॒ इति॑ य॒ज्ञ-व्र॑तः । वै । दी॒क्षितः॑ । य॒ज्ञम् । ए॒व । अ॒भीति॑ । वाच॑म् । वी॒तिं । सृ॒जति॑
। यदि॑ । वि॒सृजे॑दिति॑ वि - सृ॒जेत् । व्रै॒ष्णवी॑म् । ऋ॒चम् । अ॒न्विति॑ । ब्रू॒यात् । य॒ज्ञः । वै
। विष्णुः॑ । य॒ज्ञेन॑ । ए॒व । य॒ज्ञम् । स॒मिति॑ । त॒नोति॑ । दै॒वीम् । धि॒यम् । म॒नाम॑हे । इति॑
। आ॒ह । य॒ज्ञम् । ए॒व । तत् । म॒दुय॑ति । सु॒पा॒रेति॑ सु - पा॒रा । नः॑ । अ॒सत् । वशे॑ ।
इति॑ । आ॒ह । व्यु॑ष्टिमिति॑ वि - उ॒ष्टिम् । ए॒व । अ॒वेति॑ । रु॒न्धे । 28

TS 6.1.4.5

ब्रह्मवादि॑न् इति॑ ब्रह्म - वादि॑नः । वद॑न्ति । होत॑व्यम् । दीक्षि॑तस्य॑ । गृहा(३) इ । न । होत॑व्या(३)म् । इति॑ । ह॒विः । वै । दीक्षि॑तः । यत् । जुहु॑यात् । यज॑मानस्य । अ॒व॒दायेत्य॑व - दाय॑ । जुहु॑यात् । यत् । न । जुहु॑यात् । यज्ञ॑परुरिति॑ यज्ञ - प॒रुः । अ॒न्तः । इ॒यात् । ये । दे॒वाः । मनो॑जाता इति॑ मनः - जा॒ताः । मनो॑युज॒ इति॑ मनः-युजः॑ । इति॑ । आ॒ह । प्रा॒णा इति॑ प्र - अ॒नाः । वै । दे॒वाः । मनो॑जाता इति॑ मनः - जा॒ताः । मनो॑युज॒ इति॑ मनः - युजः॑ । तेषु॑ । ए॒व । प॒रोक्ष॑मिति॑ परः - अक्ष॑म् । जुहो॑ति । तत् । न । इ॒व । हु॒तम् । न । इ॒व । अहु॑तम् । स्व॒प॒न्त॑म् । वै । दीक्षि॑तम् । रक्षा॑सि । जिघा॑स॒न्ति । अ॒ग्निः । 29

TS 6.1.4.6

खलु॑ । वै । रक्षो॑हेति॑ रक्षः - हा । अ॒ग्ने । त्वम् । स्वि॑ति । जा॒गृहि॑ । व॒यम् । स्वि॑ति । म॒न्दि॒षीम॑हि । इति॑ । आ॒ह । अ॒ग्निम् । ए॒व । अ॒धि॒पा॒मित्य॑धि - पा॒म् । कृ॒त्वा । स्व॒पि॑ति । रक्ष॑साम् । अप॑हत्या इत्य॑प - ह॒त्यै । अ॒व॒त्यम् । इ॒व । वै । ए॒षः । क॒रो॒ति । यः । दीक्षि॑तः । स्व॒पि॑ति । त्वम् । अ॒ग्ने । व्र॑त॒पा इति॑ व्रत॒पाः । अ॒सि । इति॑ । आ॒ह । अ॒ग्निः । वै । दे॒वाना॑म् । व्र॑त॒प॒तिरिति॑ व्रत - प॒तिः । सः । ए॒व । ए॒नम् । व्र॑तम् । एति॑ । ल॒म्भ॒य॒ति । दे॒वः । एति॑ । म॒र्त्येषु॑ । एति॑ । इति॑ । आ॒ह । दे॒वः । 30

TS 6.1.4.7

हि । ए॒षः । स॒न् । म॒र्त्येषु॑ । त्वम् । य॒ज्ञेषु॑ । ई॒ड्यः । इति॑ । आ॒ह । ए॒तम् । हि । य॒ज्ञेषु॑ । ई॒ड॑ते । अपे॑ति । वै । दीक्षि॑तात् । सु॒षु॒पु॒षः । इ॒न्द्रि॒यम् । दे॒वताः॑ । क्रा॒म॒न्ति । वि॒श्वे॑ । दे॒वाः । अ॒भी॑ति । मा॒म् । एति॑ । अ॒व॒वृ॒त्र॒न् । इति॑ । आ॒ह । इ॒न्द्रि॒येण॑ । ए॒व । ए॒नम् । दे॒वता॑भिः । स॒मि॑ति । न॒य॒ति । यत् । ए॒तत् । य॒जुः । न । ब्रू॑यात् । याव॑तः । ए॒व । प॒शून् । अ॒भी॑ति । दीक्षे॑त । ताव॑न्तः । अ॒स्य । प॒शवः॑ । स्युः । रास्व॑ । इ॒यत् । 31

TS 6.1.4.8

सो॒म् । ए॒ति॑ । भू॒यः॑ । भ॒र॒ । इति॑ । आ॒ह॒ । अ॒प॑रि॒मि॒ता॒नित्य॑प॑रि॒मि॒तान् । ए॒व । प॒शून् ।
अ॒वे॒ति॑ । रु॒न्धे॑ । च॒न्द्रम् । अ॒सि॑ । म॒म॑ । भो॒गाय॑ । भ॒व॒ । इति॑ । आ॒ह॒ । य॒था॒दे॒व॒त॒मि॒ति॑ यथा
- दे॒व॒त॒म् । ए॒व । ए॒नाः॑ । प्र॒ती॒ति॑ । गृ॒ह्णा॒ति॑ । वा॒य॒वै॑ । त्वा॒ । वरु॑णाय । त्वा॒ । इति॑ । यत्
। ए॒वम् । ए॒ताः॑ । न । अ॒नु॒दि॒शे॒दित्य॑नु - दि॒शेत् । अ॒य॒था॒दे॒व॒त॒मि॒त्य॒य॒था॒ - दे॒व॒त॒म् । दक्षि॑णाः
। ग॒म॒येत् । ए॒ति॑ । दे॒व॒ता॑भ्यः । वृ॒श्च॒येत् । यत् । ए॒वम् । ए॒ताः॑ । अ॒नु॒दि॒श॒तीत्य॑नु - दि॒श॒ति॑
। य॒था॒दे॒व॒त॒मि॒ति॑ यथा - दे॒व॒त॒म् । ए॒व । दक्षि॑णाः । ग॒म॒य॒ति॑ । न । दे॒व॒ता॑भ्यः । ए॒ति॑ । 32

TS 6.1.4.9

वृ॒श्च॒य॒ते॑ । दे॒वीः॑ । आ॒पः॑ । अ॒पा॒म् । न॒पा॒त् । इति॑ । आ॒ह॒ । यत् । वः॑ । मे॒द्वय॑म् ।
य॒ज्ञि॒य॑म् । स॒दे॒व॒मि॒ति॑ स - दे॒व॒म् । तत् । वः॑ । मा । अ॒वे॒ति॑ । ऋ॒मि॒ष॒म् । इति॑ । वा॒व
। ए॒तत् । आ॒ह॒ । अ॒च्छि॑न्नम् । त॒न्तु॑म् । पृ॒थि॒व्याः॑ । अ॒न्वि॒ति॑ । गे॒ष॒म् । इति॑ । आ॒ह॒ ।
से॒तु॑म् । ए॒व । कृ॒त्वा । अ॒ती॒ति॑ । ए॒ति॑ ॥ 33

(भुञ्जते - ऽयं - छिन्धाद् - रुन्धे - ऽग्नि - राह देव - इयद् - देवताभ्य आ - त्रयस्त्रिंशच्च) (A4)

TS 6.1.5.1

दे॒वाः॑ । वै । दे॒व॒य॒ज॑न॒मि॒ति॑ दे॒व - य॒ज॑नम् । अ॒द्वय॑व॒सा॒येत्य॑धि - अ॒व॒सा॒य॑ । दि॒शः॑ । न ।
प्रे॒ति॑ । अ॒जा॒न॒न् । ते । अ॒न्यः॑ । अ॒न्य॒म् । उ॒पे॒ति॑ । अ॒धा॒व॒न् । त्व॒या॑ । प्रे॒ति॑ । जा॒ना॒म्
। त्व॒या॑ । इति॑ । ते । अ॒दि॒त्याम् । स॒मि॒ति॑ । अ॒द्वय॑न्त॒ । त्व॒या॑ । प्रे॒ति॑ । जा॒ना॒म् ।
इति॑ । सा । अ॒ब्र॒वीत् । व॒र॑म् । वृ॒णै॑ । म॒त्प्रा॑य॒णा॒ इति॑ मत् - प्रा॒य॒णाः॑ । ए॒व । वः॑ ।
य॒ज्ञाः॑ । म॒दु॒द॒य॒ना॒ इति॑ मत्-उ॒द॒य॒नाः॑ । अ॒स॒न् । इति॑ । तस्मा॑त् । आ॒दि॒त्यः॑ । प्रा॒य॒णी॒य॒
इति॑ प्र-अ॒य॒नी॒यः॑ । य॒ज्ञा॒ना॑म् । आ॒दि॒त्यः॑ । उ॒द॒य॒नी॒य॒ इत्यु॑त् - अ॒य॒नी॒यः॑ । प॒ञ्च॑ । दे॒व॒ताः॑ ।

य॒ज॒ति । प॒ञ्च । दि॒शः । दि॒शाम् । प्र॒ज्ञा॒त्या इति प्र - ज्ञा॒त्यै । 34

TS 6.1.5.2

अथो॑ इति॑ । पञ्चा॑क्षरेति॑ पञ्च - अ॒क्षरा॑ । प॒ङ्क्तिः॑ । पा॒ङ्क्तः॑ । य॒ज्ञः । य॒ज्ञम् । ए॒व । अ॒वेति॑ । रु॒न्धे । पथ्या॑म् । स्व॒स्तिम् । अ॒य॒ज॒न् । प्रा॒चीम् । ए॒व । तया॑ । दि॒शम् । प्रेति॑ । अ॒जा॒न॒न् । अ॒ग्निना॑ । दु॒क्षिणा॑ । सोमे॑न । प्र॒ती॒चीम् । स॒वि॒त्रा । उ॒दी॒चीम् । अ॒दि॒त्या । ऊ॒र्ध्वा॒म् । पथ्या॑म् । स्व॒स्तिम् । य॒ज॒ति । प्रा॒चीम् । ए॒व । तया॑ । दि॒शम् । प्रेति॑ । जा॒ना॒ति । पथ्या॑म् । स्व॒स्तिम् । इ॒ष्ट्वा । अ॒ग्नी॒षोमा॒वित्य॒ग्नी॒-सोमौ॑ । य॒ज॒ति । चक्षु॑षी इति॑ । वै । ए॒ते इति॑ । य॒ज्ञस्य॑ । यत् । अ॒ग्नी॒षोमा॒वित्य॒ग्नी॒-सोमौ॑ । ता॒भ्याम् । ए॒व । अ॒न्वि॒ति । प॒श्य॒ति । 35

TS 6.1.5.3

अ॒ग्नी॒षोमा॒वित्य॒ग्नी॒-सोमौ॑ । इ॒ष्ट्वा । स॒वि॒तार॑म् । य॒ज॒ति । स॒वि॒तृप्र॑सूत इति॑ स॒वि॒तृ - प्र॑सूतः । ए॒व । अ॒न्वि॒ति । प॒श्य॒ति । स॒वि॒तार॑म् । इ॒ष्ट्वा । अ॒दि॒तिम् । य॒ज॒ति । इ॒यम् । वै । अ॒दि॒तिः । अ॒स्याम् । ए॒व । प्र॒ति॒ष्ठाये॑ति॑ प्रति - स्था॒यं । अ॒न्वि॒ति । प॒श्य॒ति । अ॒दि॒तिम् । इ॒ष्ट्वा । मा॒रु॒तीम् । ऋ॒चम् । अ॒न्वि॒ति । आ॒ह । म॒रुतः॑ । वै । दे॒वाना॑म् । वि॒शः । दे॒ववि॑शमिति॑ दे॒व - वि॑शम् । ख॒लु । वै । क॒ल्प॑मानम् । म॒नु॒ष्यवि॑शमिति॑ म॒नु॒ष्य-वि॑शम् । अ॒न्वि॒ति । क॒ल्प॑ते । यत् । मा॒रु॒तीम् । ऋ॒चम् । अ॒न्वा॒हेत्य॑नु-आ॒ह । वि॒शाम् । कृ॒त्यै । ब्र॒ह्म॒वा॒दि॒नु इति॑ ब्रह्म - वा॒दि॒नः । व॒द॒न्ति । प्र॒या॒जव॑दिति॑ प्र॒या॒ज - व॒त् । अ॒न॒नू॒या॒जमि॑त्य॒न॒नु - या॒जम् । प्रा॒य॒णी॒यमि॑ति॑ प्र - अ॒य॒णी॒यम् । का॒र्यम् । अ॒नू॒या॒जव॑दित्य॒नू॒या॒ज - व॒त् । 36

TS 6.1.5.4

अ॒प्र॒या॒जमि॑त्य॒प्र - या॒जम् । उ॒द॒य॒नी॒यमि॑त्यु॒त् - अ॒य॒नी॒यम् । इति॑ । इ॒मे । वै । प्र॒या॒जा इति॑ प्र - या॒जाः । अ॒मी इति॑ । अ॒नू॒या॒जा इत्य॑नु - या॒जाः । सा । ए॒व । सा । य॒ज्ञस्य॑ । स॒न्त॑तिरिति॑ सं - त॒तिः । तत् । तथी॑ । न । का॒र्यम् । आ॒त्मा । वै । प्र॒या॒जा इति॑ प्र

- याजाः । प्रजेति प्र - जा । अनुयाजा इत्यनु-याजाः । यत् । प्रयाजानिति प्र-याजान् ।
 अन्तरियादित्यन्तः - इयात् । आत्मानम् । अन्तः । इयात् । यत् । अनुयाजानित्यनु - याजान्
 । अन्तरियादित्यन्तः - इयात् । प्रजामिति प्र-जाम् । अन्तः । इयात् । यतः । खलु । वै ।
 यज्ञस्य । विततस्येति वि-ततस्य । न । क्रियते । तत् । अन्विति । यज्ञः । परेति । भवति
 । यज्ञम् । पराभवंन्तमिति परा - भवंन्तम् । यजमानः । अनु । 37

TS 6.1.5.5

परेति । भवति । प्रयाजवदिति प्रयाज - वत् । एव । अनुयाजवदित्यनुयाज - वत् ।
 प्रायणीयमिति प्र - अयनीयम् । कार्यम् । प्रयाजवदिति प्रयाज - वत् । अनुयाजवदित्यनुयाज-वत्
 । उदयनीयमित्युत्-अयनीयम् । न । आत्मानम् । अन्तरेतीत्यन्तः-एति । न । प्रजामिति प्र
 - जाम् । न । यज्ञः । पराभवतीति परा - भवति । न । यजमानः । प्रायणीयस्येति प्र -
 अयनीयस्य । निष्कासे । उदयनीयमित्युत् - अयनीयम् । अभि । निरिति । वपति । सा ।
 एव । सा । यज्ञस्य । सन्ततिरिति सं - ततिः । याः । प्रायणीयस्येति प्र - अयनीयस्य ।
 याज्याः । यत् । ताः । उदयनीयस्येत्युत्-अयनीयस्य । याज्याः । कुर्यात् । पराङ् । अमुम्
 । लोकम् । एति । रोहेत् । प्रमायुक् इति प्र - मायुक् । स्यात् । याः । प्रायणीयस्येति
 प्र - अयनीयस्य । पुरोनुवाक्या इति पुरः - अनुवाक्याः । ताः () । उदयनीयस्येत्युत् -
 अयनीयस्य । याज्याः । करोति । अस्मिन् । एव । लोके । प्रतीति । तिष्ठति ॥ 38

(प्रज्ञात्यै - पश्यत्य - नूयाजव - यजमानोऽनु - पुरोनुवाक्यास्ता - अष्टौ च) (A5)

TS 6.1.6.1

कद्रूः । च । वै । सुपर्णीति सु - पर्णी । च । आत्मरूपयोरित्यात्म - रूपयोः । अस्पृद्धेताम्
 । सा । कद्रूः । सुपर्णीमिति सु-पर्णीम् । अजयत् । सा । अब्रवीत् । तृतीयस्याम् । इतः
 । दिवि । सोमः । तम् । एति । हर । तेन । आत्मानम् । निरिति । क्रीणीष्व । इति ।

इ॒यम् । वै । क॒द्रूः । अ॒सौ । सु॒प॒र्णीति॑ सु॒प॒र्णी । छ॒न्दा॑श्सि । सौ॒प॒र्णेयाः । सा । अ॒ब्रवी॑त् ।
। अ॒स्मै । वै । पि॒तरौ । पु॒त्रान् । बि॒भृ॒तः । तृ॒तीय॑स्याम् । इ॒तः । दि॒वि । सोमः॑ । तम् ।
। ए॒ति । ह॒र । तेन॑ । आ॒त्मान॑म् । नि॒रिति॑ । क्री॒णीष्व॑ । 39

TS 6.1.6.2

इति॑ । मा । क॒द्रूः । अ॒वो॒चत् । इति॑ । जग॑ती । उ॒दि॒ति । अ॒प॒तत् । चतु॑र्दशाक्षरेति॑ चतु॑र्दश
- अ॒क्षरा॑ । स॒ती । सा । अप्रा॑प्येत्यप्र॑ - आ॒प्य । नीति॑ । अ॒व॒र्त॒त् । तस्यै॑ । द्वे इति॑ । अ॒क्षरे॑
इति॑ । अ॒मी॒येता॑म् । सा । प॒शुभि॑रिति॑ प॒शु - भिः । च । दी॒क्षया॑ । च । ए॒ति । अ॒ग॒च्छ॒त् ।
। तस्मा॑त् । जग॑ती । छ॒न्द॑साम् । प॒श॒व्यं॒तमे॑ति॑ प॒श॒व्यं - त॒मा । तस्मा॑त् । प॒शुम॑न्त॒मिति॑
प॒शु - मन्त॑म् । दी॒क्षा । उ॒पेति॑ । न॒म॒ति । त्रि॒ष्टुक् । उ॒दि॒ति । अ॒प॒तत् । त्रयो॑दशाक्षरेति॑
त्रयो॑दश - अ॒क्षरा॑ । स॒ती । सा । अप्रा॑प्येत्यप्र॑ - आ॒प्य । नीति॑ । अ॒व॒र्त॒त् । तस्यै॑ । द्वे इति॑
। अ॒क्षरे॑ इति॑ । अ॒मी॒येता॑म् । सा । दक्षि॑णाभिः । च । 40

TS 6.1.6.3

तप॑सा । च । ए॒ति । अ॒ग॒च्छ॒त् । तस्मा॑त् । त्रि॒ष्टुभः॑ । लो॒के । मा॒द्भ्य॑न्दिने । स॒वने॑
। दक्षि॑णाः । नी॒य॒न्ते । ए॒तत् । ख॒लु । वाव॑ । तपः॑ । इति॑ । आ॒हुः । यः । स्वम्
। ददा॑ति । इति॑ । गा॒य॒त्री । उ॒दि॒ति । अ॒प॒तत् । चतु॑रक्षरेति॑ चतुः - अ॒क्षरा॑ । स॒ती ।
अ॒जया॑ । ज्योति॑षा । तम् । अ॒स्यै । अ॒जा । अ॒भीति॑ । अ॒रु॒न्ध । तत् । अ॒जायाः॑ ।
अ॒ज॒त्वमि॒त्य॒ज॒त्वम् । सा । सोम॑म् । च । ए॒ति । अ॒ह॒रत् । च॒त्वारि॑ । च । अ॒क्षरा॑णि । सा
। अ॒ष्टाक्ष॑रेत्य॒ष्टा - अ॒क्षरा॑ । स॒मिति॑ । अ॒प॒द्य॒त् । ब्र॒ह्म॒वा॒दिन॑ इति॑ ब्रह्म - वा॒दिनः॑ । व॒द॒न्ति । 41

TS 6.1.6.4

कस्मा॑त् । स॒त्यात् । गा॒य॒त्री । क॒नि॒ष्ठा । छ॒न्द॑साम् । स॒ती । य॒ज्ञ॒मुख॑मिति॑ य॒ज्ञ - मुख॑म्
। प॒रीति॑ । इ॒या॒य । इति॑ । यत् । ए॒व । अ॒दः । सोम॑म् । ए॒ति । अ॒ह॒रत् । तस्मा॑त् ।

यज्ञमुखमिति यज्ञ - मुखम् । परीतिं । ऐत् । तस्मात् । तेजस्विनीतमेति तेजस्विनी-तमा ।
 पद्भ्यामिति पत्-भ्याम् । द्वे इति । सर्वने इति । समगृह्णादिति सं - अगृह्णात् । मुखेन । एकम्
 । यत् । मुखेन । समगृह्णादिति सं - अगृह्णात् । तत् । अध्वयत् । तस्मात् । द्वे इति । सर्वने
 इति । शुक्रवती इति शुक्र - वती । प्रातस्सवनमिति प्रातः - सवनम् । च । माद्वयन्दिनम् ।
 च । तस्मात् । तृतीयसवन इति तृतीय - सवने । ऋजीषम् । अभीति । सुन्वन्ति । धीतम्
 । इव । हि । मन्यन्ते । 42

TS 6.1.6.5

आशिरम् । अवेति । नयति । सशुक्रत्वायेति सशुक्र - त्वायं । अथो इति । समिति । भरति
 । एव । एनत् । तम् । सोमम् । आह्रियमाणमित्या - ह्रियमाणम् । गन्धर्वः । विश्वावसुरिति
 विश्व - वसुः । परीति । अमुष्णात् । सः । तिस्रः । रात्रीः । परिमुषित इति परि - मुषितः
 । अवसत् । तस्मात् । तिस्रः । रात्रीः । क्रीतः । सोमः । वसति । ते । देवाः । अब्रुवन्
 । स्त्रीकामा इति स्त्री - कामाः । वै । गन्धर्वाः । स्त्रिया । निरिति । क्रीणाम् । इति । ते ।
 वाचम् । स्त्रियम् । एकहायनीमित्येक - हायनीम् । कृत्वा । तया । निरिति । अक्रीणन् ।
 सा । रोहित् । रूपम् । कृत्वा । गन्धर्वेभ्यः । 43

TS 6.1.6.6

अपक्रम्येत्यप - क्रम्यं । अतिष्ठत् । तत् । रोहितः । जन्मं । ते । देवाः । अब्रुवन् । अपेति
 । युष्मत् । अक्रमीत् । न । अस्मान् । उपावर्तत इत्युप - आवर्तते । वीति । ह्यामहै
 । इति । ब्रह्म । गन्धर्वाः । अवदन् । अगायन् । देवाः । सा । देवान् । गायतः ।
 उपावर्ततेत्युप-आवर्तत । तस्मात् । गायन्तम् । स्त्रियः । कामयन्ते । कामुकाः । एनम् ।
 स्त्रियः । भवन्ति । यः । एवम् । वेदं । अथो इति । यः । एवम् । विद्वान् । अपीति ।
 जन्येषु । भवति । तेभ्यः । एव । दुदति । उत । यत् । बहुतया इति बहु - तयाः । 44

TS 6.1.6.7

भवन्ति । एकहायन्येत्येकं - हायन्या । क्रीणाति । वाचा । एव । एनम् । सर्वया । क्रीणाति । तस्मात् । एकहायना इत्येक-हायनाः । मनुष्याः । वाचम् । वदन्ति । अकूटया । अकर्णया । अकाणया । अश्लोणया । असप्तशफयेत्यसप्त - शफया । क्रीणाति । सर्वया । एव । एनम् । क्रीणाति । यत् । श्वेतया । क्रीणीयात् । दुश्चर्मैति दुः - चर्मा । यजमानः । स्यात् । यत् । कृष्णया । अनुस्तरणीत्यनु - स्तरणी । स्यात् । प्रमायुक इति प्र - मायुकः । यजमानः । स्यात् । यत् । द्विरूपयेति द्वि - रूपया । वात्रघ्नीति वात्र - घ्नी । स्यात् । सः । वा । अन्यम् । जिनीयात् । तम् । वा । अन्यः । जिनीयात् । अरुणया । पिङ्गाक्ष्येति पिङ्ग - अक्ष्या () । क्रीणाति । एतत् । वै । सोमस्य । रूपम् । स्वया । एव । एनम् । देवतया । क्रीणाति ॥ 45

(निष्क्रीणीष्व - दक्षिणाभिश्च - वदन्ति - मन्यन्ते-गन्धर्वेभ्यो-बहुतयाः-पिङ्गाक्ष्या-दशं च) (A6)

TS 6.1.7.1

तत् । हिरण्यम् । अभवत् । तस्मात् । अद्भ्य इत्यत् - भ्यः । हिरण्यम् । पुनन्ति । ब्रह्मवादिन इति ब्रह्म - वादिनः । वदन्ति । कस्मात् । सत्यात् । अनुस्थिकेन । प्रजा इति प्र - जाः । प्रवीयन्ते इति प्र - वीयन्ते । अस्थन्वतीरित्यस्थन् - वतीः । जायन्ते । इति । यत् । हिरण्यम् । घृते । अवधायेत्यव - धाय । जुहोति । तस्मात् । अनुस्थिकेन । प्रजा इति प्र - जाः । प्रेति । वीयन्ते । अस्थन्वतीरित्यस्थन् - वतीः । जायन्ते । एतत् । वै । अग्नेः । प्रियम् । धाम । यत् । घृतम् । तेजः । हिरण्यम् । इयम् । ते । शुक्र । तनूः । इदम् । वचः । इति । आह । सतेजसमिति स - तेजसम् । एव । एनम् । सतनुमिति स - तनुम् । 46

TS 6.1.7.2

करोति । अथो इति । समिति । भुरति । एव । एनम् । यत् । अबद्धम् । अवदुद्ध्यादित्यव

-दुद्ध्यात् । गर्भाः । प्रजानामिति प्र - जानाम् । पुरापातुका इति परा-पातुकाः । स्युः । बद्धम् । अवेति । दुधाति । गर्भागाम् । धृत्यै । निष्ट्वर्यम् । बद्धाति । प्रजानामिति प्र - जानाम् । प्रजननायेति प्र-जननाय । वाक् । वै । एषा । यत् । सोमक्रयणीति सोम - क्रयणी । जूः । असि । इति । आह । यत् । हि । मनसा । जवते । तत् । वाचा । वदति । धृता । मनसा । इति । आह । मनसा । हि । वाक् । धृता । जुष्टा । विष्णवे । इति । आह । 47

TS 6.1.7.3

यज्ञः । वै । विष्णुः । यज्ञाय । एव । एनाम् । जुष्टाम् । करोति । तस्याः । ते । सत्यसंवसु इति सत्य - सुवसुः । प्रसव इति प्र - सुवे । इति । आह । सवितृप्रसूतामिति सवितृ - प्रसूताम् । एव । वाचम् । अवेति । रुन्धे । काण्डेकाण्ड इति काण्डे-काण्डे । वै । क्रियमाणे । यज्ञम् । रक्षांसि । जिघांसन्ति । एषः । खलु । वै । अरक्षोहत इत्यरक्षः - हतः । पन्थाः । यः । अग्नेः । च । सूर्यस्य । च । सूर्यस्य । चक्षुः । एति । अरुहम् । अग्नेः । अक्ष्णः । कुनीनिकाम् । इति । आह । यः । एव । अरक्षोहत इत्यरक्षः-हतः । पन्थाः । तम् । समारोहतीति सं - आरोहति । 48

TS 6.1.7.4

वाक् । वै । एषा । यत् । सोमक्रयणीति सोम - क्रयणी । चित् । असि । मना । असि । इति । आह । शास्ति । एव । एनाम् । एतत् । तस्मात् । शिष्टाः । प्रजा इति प्र - जाः । जायन्ते । चित् । असि । इति । आह । यत् । हि । मनसा । चेतयते । तत् । वाचा । वदति । मना । असि । इति । आह । यत् । हि । मनसा । अभिगच्छतीत्यभि - गच्छति । तत् । करोति । धीः । असि । इति । आह । यत् । हि । मनसा । ध्यायति । तत् । वाचा । 49

TS 6.1.7.5

वदति । दक्षिणा । असि । इति । आह । दक्षिणा । हि । एषा । यज्ञिया । असि । इति

। आ॒ह । य॒ज्ञियाँ॑म् । ए॒व । ए॒ना॒म् । क॒रो॒ति । क्ष॒त्रियाँ॑ । अ॒सि॒ । इति॑ । आ॒ह । क्ष॒त्रियाँ॑ ।
 हि । ए॒षा । अ॒दि॒तिः । अ॒सि॒ । उ॒भ॒य॒त॑श्श॒र्ष्णी॒त्यु॒भ॒य॒तः॑ - श॒र्ष्णी॒ । इति॑ । आ॒ह । यत् ।
 ए॒व । आ॒दि॒त्यः । प्रा॒य॒णी॒य॒ इति॑ प्र - अ॒य॒णी॒यः॑ । य॒ज्ञानाँ॑म् । आ॒दि॒त्यः । उ॒द॒य॒नी॒य॒ इत्यु॑त्
 - अ॒य॒नी॒यः॑ । तस्मा॑त् । ए॒वम् । आ॒ह । यत् । अ॒ब॒द्धा । स्यात् । अ॒य॒ता । स्यात् । यत् ।
 । प॒दि॒ब॒द्धेति॑ प॒दि - ब॒द्धा । अ॒नु॒स्तर॑णी॒त्यनु॑ - स्तर॑णी । स्यात् । प्र॒मा॒यु॒क॒ इति॑ प्र - मा॒यु॒कः॑
 । य॒ज॒मानः॑ । स्यात् । 50

TS 6.1.7.6

यत् । क॒र्ण॒गृ॒ही॒तेति॑ क॒र्ण॒गृ॒ही॒ता । वा॒र्त्र॒घ्नी॒ति॒ वा॒र्त्र - घ्नी॒ । स्यात् । सः । वा॒ । अ॒न्य॒म् ।
 जि॒नी॒यात् । तम् । वा॒ । अ॒न्यः॑ । जि॒नी॒यात् । मि॒त्रः । त्वा॒ । प॒दि । ब॒द्धा॒तु॒ । इति॑ ।
 आ॒ह । मि॒त्रः । वै । शि॒वः । दे॒वानाँ॑म् । तेन॑ । ए॒व । ए॒ना॒म् । प॒दि । ब॒द्धा॒ति॒ । पू॒षा
 । अ॒द्ध॒नः॑ । पा॒तु॒ । इति॑ । आ॒ह । इ॒य॒म् । वै । पू॒षा । इ॒मा॒म् । ए॒व । अ॒स्याः॑ ।
 अ॒धि॒पा॒मित्य॑धि - पा॒म् । अ॒क्षः॑ । स॒म॒ष्ट्या॒ इति॑ सं - अ॒ष्ट्यै॑ । इ॒न्द्रा॒य॒ । अ॒द्ध॒य॑क्षा॒येत्य॑धि -
 अ॒क्षा॒य॒ । इति॑ । आ॒ह । इ॒न्द्र॑म् । ए॒व । अ॒स्याः॑ । अ॒द्ध॒य॑क्ष॒मित्य॑धि - अ॒क्ष॒म् । क॒रो॒ति॒ । 51

TS 6.1.7.7

अ॒न्वि॒ति॑ । त्वा॒ । मा॒ता । म॒न्य॒ता॒म् । अ॒न्वि॒ति॑ । पि॒ता । इति॑ । आ॒ह । अ॒नु॒म॒त॒येत्य॑नु - म॒त॒या॒
 । ए॒व । ए॒न॒या॒ । क्री॒णा॒ति॒ । सा । दे॒वि॒ । दे॒व॒म् । अ॒च्छं॑ । इ॒हि॒ । इति॑ । आ॒ह । दे॒वी॒ । हि॒
 । ए॒षा । दे॒वः । सोमः॑ । इ॒न्द्रा॒य॒ । सोम॑म् । इति॑ । आ॒ह । इ॒न्द्रा॒य॒ । हि॒ । सोमः॑ । आ॒हि॒य॒त॒
 इत्याँ॑ - हि॒य॒ते॑ । यत् । ए॒तत् । य॒जुः॑ । न । ब्रू॒यात् । प॒रा॒ची॒ । ए॒व । सो॒म॒क्र॒य॒णी॒ति॑ सोम॑
 - क्र॒य॒णी॒ । इ॒या॒त् । रु॒द्रः॑ । त्वा॒ । ए॒ति॑ । वर्त॑य॒तु॒ । इति॑ । आ॒ह । रु॒द्रः॑ । वै । क्रू॒रः॑ । 52

TS 6.1.7.8

दे॒वानाँ॑म् । तम् । ए॒व । अ॒स्यै॑ । प॒र॒स्ता॑त् । दु॒धा॒ति॒ । आ॒वृ॒त्त्या॒ इत्या॑ - वृ॒त्त्यै॑ । क्रू॒र॒म्

। इ॒व । वै । ए॒तत् । क॒रो॒ति । यत् । रु॒द्रस्य॑ । की॒र्तय॑ति । मि॒त्रस्य॑ । प॒था । इति॑
 । आ॒ह । शान्त्यै॑ । वा॒चा । वै । ए॒षः । वी॒तिं । क्री॒णी॒ते । यः । सो॒म॒क्रय॑ण्येति॑ सोम
 - क्रय॑ण्या । स्व॒स्ति । सोम॑स॒खेति॑ सोम॑ - स॒खा । पुनः॑ । ए॒तिं । इ॒हि । स॒ह । र॒य्या
 । इति॑ । आ॒ह । वा॒चा । ए॒व । वि॒क्री॒येति॑ वि - क्री॒यं । पुनः॑ । आ॒त्मन् । वाच॑म् ।
 ध॒त्ते । अनु॑प॒दासु॑केत्यनु॑प - दा॒सुका॑ । अ॒स्य । वाक् । भ॒व॒ति । यः । ए॒वम् । वेद॑ () ॥ 53

(सत॑नुं - वि॒ष्णव॑ इत्या॑ह - सु॒मारो॑हति - ध्या॒यति॑ तद् वा॒चा - यज॑मानः स्यात् - करोति -
 क्रू॒रो - वेद॑) (A7)

TS 6.1.8.1

षट् । प॒दानि॑ । अनु॑ । नी॒तिं । क्रा॒म॒ति । ष॒ड॒ह॒मि॒तिं षट् - अ॒हम् । वाक् । न । अ॒ती॒तिं
 । व॒द॒ति । उ॒त । सं॒व॒त्स॒रस्ये॑ति॑ सं॒व॒त्स॒रस्य॑ । अ॒य॒ने । या॒व॒ती । ए॒व । वाक् । ता॒म् ।
 अ॒वे॒तिं । रु॒न्धे । स॒प्त॒मे । प॒दे । जु॒हो॒ति । स॒प्त॒प॒देति॑ स॒प्त - प॒दा । श॒क्र॑री । प॒श॒वः । श॒क्र॑री
 । प॒शून् । ए॒व । अ॒वे॒तिं । रु॒न्धे । स॒प्त । ग्रा॒म्याः । प॒श॒वः । स॒प्त । आ॒र॒ण्याः । स॒प्त ।
 छ॒न्दा॑सि । उ॒भय॑स्य । अ॒वरु॑द्ध्या इत्य॑व - रु॒द्ध्यै । व॒स्वी । अ॒सि । रु॒द्रा । अ॒सि । इति॑
 । आ॒ह । रू॒पम् । ए॒व । अ॒स्याः । ए॒तत् । म॒हि॒मान॑म् । 54

TS 6.1.8.2

व्याच॑ष्ट इति॑ वि॒-आच॑ष्टे । बृ॒ह॒स्प॒तिः । त्वा॒ । सु॒म्ने । र॒ण्व॒तु । इति॑ । आ॒ह । ब्र॒ह्म॑ । वै ।
 दे॒वाना॑म् । बृ॒ह॒स्प॒तिः । ब्र॒ह्मा॑णा । ए॒व । अ॒स्मै । प॒शून् । अ॒वे॒तिं । रु॒न्धे । रु॒द्रः । व॒सु॑भि॒रिति॑
 व॒सु - भिः॑ । ए॒तिं । चि॒के॒तु । इति॑ । आ॒ह । आ॒वृ॒त्त्या॑ इत्या॑ - वृ॒त्त्यै । पृ॒थि॒व्याः । त्वा॒ ।
 मू॒र्ध॒न् । ए॒तिं । जि॒घृ॒मि । दे॒व॒य॒ज॒न॒ इति॑ दे॒व॒-य॒ज॒ने । इति॑ । आ॒ह । पृ॒थि॒व्याः । हि । ए॒षः ।
 मू॒र्धा । यत् । दे॒व॒य॒ज॒न॒मिति॑ दे॒व - य॒ज॒न॒म् । इ॒डा॒याः । प॒दे । इति॑ । आ॒ह । इ॒डा॒यै । हि ।
 ए॒तत् । प॒दम् । यत् । सो॒म॒क्रय॑ण्या इति॑ सोम॑ - क्रय॑ण्यै । घृ॒त॒व॒तीति॑ घृ॒त॒-व॒ति । स्वा॒हा॑ । 55

TS 6.1.8.3

इति॑ । आ॒ह । यत् । ए॒व । अ॒स्यै॑ । प॒दात् । घृ॒तम् । अ॒पी॒ड्य॑त । तस्मा॑त् । ए॒वम् । आ॒ह । यत् । अ॒द्भ्युः॑ । अ॒न॒ग्नौ॑ । आहु॑तिमित्या - हु॒तिम् । जुहु॑यात् । अ॒न्धः । अ॒द्भ्युः॑ । स्या॑त् । रक्षा॑सि । य॒ज्ञम् । ह॒न्युः॑ । हि॒र॒ण्यम् । उ॒पा॒स्ये॒त्यु॒प - अ॒स्य॑ । जुहो॑ति । अ॒ग्नि॒वती॑त्य॒ग्नि - व॒ति॑ । ए॒व । जुहो॑ति । न । अ॒न्धः । अ॒द्भ्युः॑ । भ॒व॑ति । न । य॒ज्ञम् । रक्षा॑सि । घ्नन्ति॑ । काण्डे॑काण्ड॒ इति॑ काण्डे॑ - का॒ण्डे॑ । वै । क्रि॒यमा॑णे । य॒ज्ञम् । रक्षा॑सि । जिघा॑स॒सन्ति॑ । परि॑लिखितमिति॑ परि॑ - लि॒खित॑म् । रक्षः॑ । परि॑लिखिता॒ इति॑ परि॑ - लि॒खिताः॑ । अ॒रा॒तयः॑ । इति॑ । आ॒ह । रक्ष॑साम् । अ॒प॒ह॒त्या॒ इत्य॑प - ह॒त्यै॑ । 56

TS 6.1.8.4

इ॒दम् । अ॒हम् । रक्ष॑सः । ग्री॒वाः । अ॒पी॒ति॑ । कृ॒न्ता॒मि॑ । यः । अ॒स्मान् । द्वेष्टि॑ । यम् । च॒ । व॒यम् । द्विष्मः॑ । इति॑ । आ॒ह । द्वौ । वा॒व । पु॒रु॒षौ । यम् । च॒ । ए॒व । द्वेष्टि॑ । यः । च॒ । ए॒नम् । द्वेष्टि॑ । तयोः॑ । ए॒व । अ॒न॒न्तरा॑य॒मित्य॑न॒न्तः - आ॒यम् । ग्री॒वाः । कृ॒न्त॑ति । प॒शवः॑ । वै । सो॒म॒क्रय॑ण्या॒ इति॑ सोम - क्रय॑ण्यै । प॒दम् । या॒वत्त॑मू॒तमि॑ति॒ यावत् - त॑मू॒तम् । स॒मि॒ति॑ । व॒प॒ति॑ । प॒शून् । ए॒व । अ॒वे॒ति॑ । रु॒न्धे॑ । अ॒स्मे इति॑ । रा॒यः । इति॑ । स॒मि॒ति॑ । व॒प॒ति॑ । आ॒त्मान॑म् । ए॒व । अ॒द्भ्युः॑ । 57

TS 6.1.8.5

प॒शुभ्य॑ इति॑ प॒शु - भ्यः॑ । न । अ॒न्तः । ए॒ति॑ । त्वे॑ इति॑ । रा॒यः । इति॑ । य॒ज॑मानाय । प्रेति॑ । य॒च्छ॑ति । य॒ज॑माने । ए॒व । र॒यि॑म् । दु॒धा॒ति॑ । तो॒ते॑ । रा॒यः । इति॑ । प॒त्न्यै॑ । अ॒र्द्धः । वै । ए॒षः । आ॒त्म॒नः॑ । यत् । प॒त्नी॑ । यथा॑ । गृ॒हेषु॑ । नि॒ध॒त्त॑ इति॑ नि - ध॒त्ते॑ । ता॒दृक् । ए॒व । तत् । त्व॒ष्टी॑मती । ते॒ । स॒पे॒य॑ । इति॑ । आ॒ह । त्व॒ष्टी॑ । वै । प॒शूना॑म् । मि॒थु॒ना॒ना॑म् । रू॒प॒कृ॒दि॒ति॑ रू॒प - कृ॒त् । रू॒पम् । ए॒व । प॒शुषु॑ । दु॒धा॒ति॑ । अ॒स्मै॑ । वै ।

लो॒काय॑ । गा॒रु॒ह॑प॒त्य॒ इति॑ गा॒रु॒ह॑ - प॒त्यः॑ । ए॒ति॑ । धी॒य॒ते () । अ॒मुष्मै॑ । आ॒ह॒व॒नीय॑ इ॒त्या॑
- ह॒व॒नीयः॑ । यत् । गा॒रु॒ह॑प॒त्य॒ इति॑ गा॒रु॒ह॑- प॒त्ये॑ । उ॒प॒व॒पे॒दित्यु॑प - व॒पेत् । अ॒स्मिन् । लो॒के
। प॒शु॒मा॒नि॒ति॑ प॒शु - मा॒न् । स्या॒त् । यत् । आ॒ह॒व॒नीय॑ इ॒त्या॑ - ह॒व॒नीयै॑ । अ॒मुष्मि॑न् । लो॒के
। प॒शु॒मा॒नि॒ति॑ प॒शु - मा॒न् । स्या॒त् । उ॒भयोः॑ । उ॒पे॒ति॑ । व॒प॒ति॑ । उ॒भयोः॑ । ए॒व । ए॒नम्
। लो॒कयोः॑ । प॒शु॒मन्त॑मि॒ति॑ प॒शु - मन्त॑म् । क॒रो॒ति॑ ॥ 58

(म॒हि॒मान॑ - स्वा॒हा - ऽप॑ह॒त्या - अध्व॑र्यु - धी॒य॒ते - चतु॑र्विंश॒तिश्च॑) (A8)

TS 6.1.9.1

ब्र॒ह्म॒वा॒दि॒न॒ इति॑ ब्र॒ह्म - वा॒दि॒नः॑ । व॒द॒न्ति॑ । वि॒चि॒त्य॒ इति॑ वि॒चि॒त्यः॑ । सो॒मा(३)ः॑ । न ।
वि॒चि॒त्या(३)॑ इति॑ वि - चि॒त्या(३)ः॑ । इति॑ । सोमः॑ । वै । ओष॑धी॒नाम् । रा॒जा॑ । तस्मि॑न् ।
यत् । आ॒प॒न्न॒मि॒त्या - प॒न्नम् । ग॒र॒सि॒तम् । ए॒व । अ॒स्य॑ । तत् । यत् । वि॒चि॒नु॒या॒दि॒ति॑ वि -
चि॒नु॒या॒त् । यथा॑ । आ॒स्य॑त् । ग॒र॒सि॒तम् । नि॒ष्वि॒द॒ती॒ति॑ निः - स्वि॒द॒ति॑ । ता॒दृक् । ए॒व ।
तत् । यत् । न । वि॒चि॒नु॒या॒दि॒ति॑ वि - चि॒नु॒या॒त् । यथा॑ । अ॒क्ष॒न् । आ॒प॒न्न॒मि॒त्या - प॒न्नम् ।
वि॒धा॒व॒ती॒ति॑ वि - धा॒व॒ति॑ । ता॒दृक् । ए॒व । तत् । क्षो॒धु॒कः॑ । अ॒द्ध्युः॑ । स्या॒त् । क्षो॒धु॒कः॑ ।
यज॑मानः । सोम॑वि॒क्रयि॑न्निति॑ सोम॑ - वि॒क्रयि॑न् । सोम॑म् । शो॒ध॒य॑ । इति॑ । ए॒व । ब्रू॒या॒त् ।
यदि॑ । इ॒तर॑म् । 59

TS 6.1.9.2

यदि॑ । इ॒तर॑म् । उ॒भये॑न । ए॒व । सोम॑वि॒क्रयि॑ण॒मि॒ति॑ सोम॑ - वि॒क्रयि॑ण॒म् । अ॒र्प॒य॒ति॑ ।
तस्मा॑त् । सोम॑वि॒क्रयी॑ति॑ सोम॑ - वि॒क्रयी॑ । क्षो॒धु॒कः॑ । अ॒रु॒णः॑ । ह॒ । स्म॒ । आ॒ह॒ ।
औ॒प॒वेशि॑रि॒त्यौप॑-वेशिः॑ । सोम॑क्रय॒ण॒ इति॑ सोम॑ - क्रय॒णे॑ । ए॒व । अ॒हम् । तृ॒ती॒य॒स॒व॒न॒मि॒ति॑
तृ॒ती॒य - स॒व॒न॒म् । अ॒वे॒ति॑ । रु॒न्धे॑ । इति॑ । प॒शू॒नाम् । च॒र्म॒न् । मि॒मी॒ते॑ । प॒शून् । ए॒व ।
अ॒वे॒ति॑ । रु॒न्धे॑ । प॒शवः॑ । हि । तृ॒ती॒य॒म् । स॒व॒न॒म् । यम् । का॒म॒ये॒त॑ । अ॒प॒शुः॑ । स्या॒त्

। इति । ऋक्षतः । तस्य । मिमीत । ऋक्षम् । वै । अपशुव्यम् । अपशुः । एव । भवति । यम् । कामयेत । पशुमानिति पशु - मान् । स्यात् । 60

TS 6.1.9.3

इति । लोमतः । तस्य । मिमीत । एतत् । वै । पशूनाम् । रूपम् । रूपेण । एव । अस्मै । पशून् । अवेति । रुन्धे । पशुमानिति पशु - मान् । एव । भवति । अपाम् । अन्ते । क्रीणाति । सरसमिति स-रसम् । एव । एनम् । क्रीणाति । अमात्यः । असि । इति । आह । अमा । एव । एनम् । कुरुते । शुक्रः । ते । ग्रहः । इति । आह । शुक्रः । हि । अस्य । ग्रहः । अनसा । अच्छ । याति । महिमानम् । एव । अस्य । अच्छ । याति । अनसा । 61

TS 6.1.9.4

अच्छ । याति । तस्मात् । अनोवाह्यमित्यनः - वाह्यम् । सुमे । जीवनम् । यत्र । खलु । वै । एतम् । शीर्ष्णा । हरन्ति । तस्मात् । शीर्षहायमिति शीर्ष-हायम् । गिरौ । जीवनम् । अभीति । त्यम् । देवम् । सवितारम् । इति । अतिच्छन्दसेत्यति - छन्दसा । ऋचा । मिमीत । अतिच्छन्दा इत्यति - छन्दाः । वै । सर्वाणि । छन्दांसि । सर्वेभिः । एव । एनम् । छन्दोभिरिति छन्दः-भिः । मिमीते । वर्ष्म । वै । एषा । छन्दसाम् । यत् । अतिच्छन्दा इत्यति - छन्दाः । यत् । अतिच्छन्दसेत्यति-छन्दसा । ऋचा । मिमीते । वर्ष्म । एव । एनम् । समानानाम् । करोति । एकयैकयेत्येकया - एकया । उथ्सर्गमित्युत् - सर्गम् । 62

TS 6.1.9.5

मिमीते । अयातयाम्नियायातयाम्नियेत्ययातयाम्निया-अयातयाम्निया । एव । एनम् । मिमीते । तस्मात् । नानावीर्या इति नाना - वीर्याः । अङ्गुलयः । सर्वासु । अङ्गुष्ठम् । उप । नीति । गृह्णाति । तस्मात् । समावद्वीर्य इति समावत् - वीर्यः । अन्याभिः । अङ्गुलिभिरित्यङ्गुलि - भिः । तस्मात् । सर्वाः । अनु । समिति । चरति । यत् । सह । सर्वाभिः । मिमीत ।

स॒श्शि॑ष्टा इति सं - श्लि॒ष्टाः । अ॒ङ्गुल॑यः । जा॒येर॒न् । एक॑यैक॒येत्येक॑या-ए॒क॒या । उ॒थ्सर्ग॑मित्यु॒त्
- सर्ग॑म् । मि॒मी॒ते । तस्मा॑त् । विभ॑क्ता इति वि - भ॒क्ताः । जा॒यन्ते॑ । पञ्च॑ । कृ॒त्वंः । यजु॑षा
। मि॒मी॒ते । पञ्चा॑क्षरेति पञ्च - अ॒क्षरा॑ । प॒ङ्क्तिः॑ । पा॒ङ्क्तः॑ । य॒ज्ञः । य॒ज्ञम् । ए॒व । अवे॑ति ।
रु॒न्धे । पञ्च॑ । कृ॒त्वंः । तू॒ष्णीम् । 63

TS 6.1.9.6

दश॑ । समि॒ति । प॒द्यन्ते॑ । दशा॑क्षरेति दश॑ - अ॒क्षरा॑ । वि॒राडिति॑ वि - राट् । अ॒न्नम् ।
वि॒राडिति॑ वि - राट् । वि॒राजे॑ति वि - राजा॑ । ए॒व । अ॒न्नाद्य॑मित्य॒न्न - अद्य॑म् । अवे॑ति । रु॒न्धे
। यत् । यजु॑षा । मि॒मी॒ते । भू॒तम् । ए॒व । अवे॑ति । रु॒न्धे । यत् । तू॒ष्णीम् । भ॒विष्य॑त्
। यत् । वै । तावा॑न् । ए॒व । सोमः॑ । स्यात् । याव॑न्तम् । मि॒मी॒ते । यज॑मानस्य । ए॒व
। स्यात् । न । अपी॑ति । सु॒दुस्या॑नाम् । प्र॒जाभ्य॑ इति प्र - जा॒भ्यः । त्वा॒ । इति॑ । उप॑
। समि॒ति । ऊ॒हति॑ । सु॒दुस्या॑न् । ए॒व । अ॒न्वाभ॑ज॒तीत्य॑नु-आभ॑जति । वास॑सा । उपे॑ति ।
न॒ह्यति॑ । स॒र्वदे॒वत्य॑मि॒ति सर्व॑ - दे॒वत्य॑म् । वै । 64

TS 6.1.9.7

वासः॑ । सर्वा॑भिः । ए॒व । ए॒नम् । दे॒वता॑भिः । समि॒ति । अ॒र्धय॑ति । प॒शवः॑ । वै । सोमः॑ ।
प्रा॒णाय॑ेति प्र - अ॒नाय॑ । त्वा॒ । इति॑ । उपे॑ति । न॒ह्यति॑ । प्रा॒णमि॑ति प्र - अ॒नम् । ए॒व । प॒शुषु॑ ।
द॒धाति॑ । व्या॒नाय॑ेति वि - अ॒नाय॑ । त्वा॒ । इति॑ । अ॒न्वि॒ति । शृ॒न्थ॒ति । व्या॒नमि॑ति वि - अ॒नम्
। ए॒व । प॒शुषु॑ । द॒धाति॑ । तस्मा॑त् । स्व॒पन्त॑म् । प्रा॒णा इति॑ प्र - अ॒नाः । न । ज॒हति॑ ॥ 65

(इतरं - पशुमान्थ स्याद् - यात्यनसो - थ्सर्ग - तूष्णीः - सर्वदेवत्यं वै - त्रयस्त्रिंशच्च)
(A9)

TS 6.1.10.1

यत् । क॒लयाँ । ते । श॒फेनं । ते । क्री॒णानि । इति । प॒णेत । अ॒गोअ॒र्घमित्य॒गो - अ॒र्घम् ।
 । सोम॑म् । कुर्यात् । अ॒गोअ॒र्घमित्य॒गो - अ॒र्घम् । यज॑मानम् । अ॒गोअ॒र्घमित्य॒गो-अ॒र्घम् ।
 अ॒द्ध्युम् । गोः । तु । म॒हिमान॑म् । न । अवेति । तिरेत् । गवाँ । ते । क्री॒णानि । इति ।
 । ए॒व । ब्रूयात् । गोअ॒र्घमिति॑ गो - अ॒र्घम् । ए॒व । सोम॑म् । क॒रोति । गोअ॒र्घमिति॑ गो -
 अ॒र्घम् । यज॑मानम् । गोअ॒र्घमिति॑ गो - अ॒र्घम् । अ॒द्ध्युम् । न । गोः । म॒हिमान॑म् । अवेति ।
 । ति॒रति । अ॒जयाँ । क्री॒णाति । स॒तप॑समिति स - त॒पस॑म् । ए॒व । ए॒नम् । क्री॒णाति ।
 हि॒र॑ण्येन । क्री॒णाति । स॒शुक्र॑मिति स - शु॒क्रम् । ए॒व । 66

TS 6.1.10.2

ए॒नम् । क्री॒णाति । धे॒न्वा । क्री॒णाति । सा॒शि॒र॒मिति॑ स - आ॒शि॒र॒म् । ए॒व । ए॒नम् । क्री॒णाति ।
 । ऋ॒षभे॑ण । क्री॒णाति । से॒न्द्र॒मिति॑ स-इ॒न्द्रम् । ए॒व । ए॒नम् । क्री॒णाति । अ॒नु॒दुहाँ । क्री॒णाति ।
 । वह्निः । वै । अ॒नु॒द्वान् । वह्नि॑ना । ए॒व । वह्नि॑ । य॒ज्ञस्य॑ । क्री॒णाति । मि॒थु॒नाभ्या॑म् ।
 क्री॒णाति । मि॒थु॒नस्य॑ । अ॒वरु॑द्ध्या इत्य॒व - रु॒द्ध्यै । वास॑सा । क्री॒णाति । स॒र्वदे॒वत्य॑मिति॑
 स॒र्व - दे॒वत्य॑म् । वै । वास॑ः । स॒र्वाभ्यः॑ । ए॒व । ए॒नम् । दे॒वता॑भ्यः । क्री॒णाति । द॒श ।
 स॒मिति॑ । प॒द्यन्ते । द॒शाक्ष॑रेति द॒श - अ॒क्षरा॑ । वि॒राडिति॑ वि - राट् । अ॒न्नम् । वि॒राडिति॑ वि
 - राट् । वि॒राजेति॑ वि - राजाँ । ए॒व । अ॒न्नाद्य॑मित्य॒न्न -अ॒द्यम् । अवेति । रु॒न्धे । 67

TS 6.1.10.3

त॒पसः॑ । त॒नूः । अ॒सि । प्र॒जाप॑तेरिति प्र॒जा - प॒तेः । वर्णः॑ । इति । आ॒ह । प॒शुभ्य॑ इति
 प॒शु - भ्यः॑ । ए॒व । तत् । अ॒द्ध्युः । नीति॑ । हु॒ते । आ॒त्मनः॑ । अ॒नो॒ब्र॒स्का॒येत्य॒नो - ब्र॒स्का॒य
 । गच्छ॑ति । श्रिय॑म् । प्रेति॑ । प॒शून् । आ॒प्नो॑ति । यः । ए॒वम् । वेद॑ । शु॒क्रम् । ते ।
 शु॒क्रेण॑ । क्री॒णामि॑ । इति । आ॒ह । य॒थाय॑जुरिति यथा-य॒जुः । ए॒व । ए॒तत् । दे॒वाः ।
 वै । येन॑ । हि॒र॑ण्येन । सोम॑म् । अ॒क्री॒णन् । तत् । अ॒भीष॑हेत्य॒भि-स॒हा । पुनः॑ । एति॑
 । अ॒दु॒दुत् । कः । हि । तेज॑सा । वि॒क्रेष्य॑त इति वि - क्रेष्य॑ते । इति । येन॑ । हि॒र॑ण्येन । 68

TS 6.1.10.4

सोमम् । क्रीणीयात् । तत् । अभीषहेत्यभ - सहा । पुनः । एति । ददीत् । तेजः । एव । आत्मन् । धत्ते । अस्मे इति । ज्योतिः । सोमविक्रयिणीति सोम-विक्रयिणि । तमः । इति । आह । ज्योतिः । एव । यजमाने । दधाति । तमसा । सोमविक्रयिणमिति सोम - विक्रयिणम् । अर्पयति । यत् । अनुपग्रथ्येत्यनुप - ग्रथ्य । हन्यात् । दुन्दशूकाः । ताम् । समाम् । सर्पाः । स्युः । इदम् । अहम् । सर्पाणाम् । दुन्दशूकानाम् । ग्रीवाः । उपेति । ग्रथामि । इति । आह । अदन्दशूकाः । ताम् । समाम् । सर्पाः । भवन्ति । तमसा । सोमविक्रयिणमिति सोम - विक्रयिणम् । विद्वयति । स्वान । 69

TS 6.1.10.5

भ्राज । इति । आह । एते । वै । अमुष्मिन् । लोके । सोमम् । अरक्षन् । तेभ्यः । अधीति । सोमम् । एति । अहरन् । यत् । एतेभ्यः । सोमक्रयणानिति सोम - क्रयणान् । न । अनुदिशेदित्यनु - दिशेत् । अक्रीतः । अस्य । सोमः । स्यात् । न । अस्य । एते । अमुष्मिन् । लोके । सोमम् । रक्षेयुः । यत् । एतेभ्यः । सोमक्रयणानिति सोम - क्रयणान् । अनुदिशतीत्यनु - दिशति । क्रीतः । अस्य । सोमः । भवति । एते । अस्य । अमुष्मिन् । लोके । सोमम् । रक्षन्ति ॥ 70

(सशुक्रमेव - रुन्ध - इति येन हिरण्येन - स्वान - चतुश्चत्वारिंशच्च) (A10)

TS 6.1.11.1

वारुणः । वै । क्रीतः । सोमः । उपनद्ध इत्युप-नद्धः । मित्रः । नः । एति । इहि । सुमित्रधा इति सुमित्र - धाः । इति । आह । शान्त्यै । इन्द्रस्य । ऊरुम् । एति । विश् । दक्षिणम् । इति । आह । देवाः । वै । यम् । सोमम् । अक्रीणन् । तम् । इन्द्रस्य ।

ऊ॒रौ । दक्षि॑णे । ए॒ति॑ । अ॒सा॒दु॒य॒न् । ए॒षः । ख॒लु॑ । वै । ए॒त॒र्हि॑ । इन्द्रः॑ । यः । यज॑ते । तस्मा॑त् । ए॒वम् । आ॒ह॒ । उ॒दि॒ति॑ । आ॒यु॒षा । स्वा॒यु॒षेति॑ सु - आ॒यु॒षा॑ । इति॑ । आ॒ह॒ । दे॒वताः॑ । ए॒व । अ॒न्वा॒र॒भ्येत्य॑नु - आ॒र॒भ्य॑ । उ॒दि॒ति॑ । 71

TS 6.1.11.2

ति॒ष्ठति॑ । उ॒रु । अ॒न्तरि॑क्षम् । अ॒न्वि॒ति॑ । इ॒हि॑ । इति॑ । आ॒ह॒ । अ॒न्तरि॑क्ष॒दे॒व॒त्यं इत्य॑न्तरि॒क्षे - दे॒व॒त्यः॑ । हि । ए॒त॒र्हि॑ । सोमः॑ । अ॒दि॒त्याः । स॒दः॑ । अ॒सि॑ । अ॒दि॒त्याः । स॒दः॑ । ए॒ति॑ । सी॒दु॒ । इति॑ । आ॒ह॒ । य॒था॒य॒जु॒रिति॑ यथा॒य॒जुः । ए॒व । ए॒तत् । वी॒ति॑ । वै । ए॒नम् । ए॒तत् । अ॒र्ध॒य॒ति॑ । यत् । वा॒रु॒णम् । स॒न्तम् । मै॒त्रम् । क॒रोति॑ । वा॒रु॒ण्या । ऋ॒चा । ए॒ति॑ । सा॒दु॒य॒ति॑ । स्वा॒या॑ । ए॒व । ए॒नम् । दे॒वता॑या । स॒मि॒ति॑ । अ॒र्ध॒य॒ति॑ । वा॒स॒सा । प॒र्या॒न॒ह्यती॑ति॒ परि॑ - आ॒न॒ह्यति॑ । स॒र्व॒दे॒व॒त्यमि॑ति॒ सर्व॑ - दे॒व॒त्यम् । वै । वा॒सः॑ । सर्वा॑भिः । ए॒व । 72

TS 6.1.11.3

ए॒नम् । दे॒वता॑भिः । स॒मि॒ति॑ । अ॒र्ध॒य॒ति॑ । अथो॑ इति॑ । रक्ष॑साम् । अ॒प॒ह॒त्या इत्य॑प॒ह॒त्यै । वने॑षु । वी॒ति॑ । अ॒न्तरि॑क्षम् । त॒तान॑ । इति॑ । आ॒ह॒ । वने॑षु । हि । वी॒ति॑ । अ॒न्तरि॑क्षम् । त॒तान॑ । वा॒जम् । अ॒र्व॒श्चि॒स्वत्य॑र्वत् - सु । इति॑ । आ॒ह॒ । वा॒जम् । हि । अ॒र्व॒श्चि॒स्वत्य॑र्वत् - सु । प॒यः॑ । अ॒घ्निया॑सु । इति॑ । आ॒ह॒ । प॒यः॑ । हि । अ॒घ्निया॑सु । ह॒वि॒स्वति॑ ह॒त् - सु । ऋ॒तुम् । इति॑ । आ॒ह॒ । ह॒वि॒स्वति॑ ह॒त् - सु । हि । ऋ॒तुम् । वरु॑णः । वि॒क्षु । अ॒ग्निम् । इति॑ । आ॒ह॒ । वरु॑णः । हि । वि॒क्षु । अ॒ग्निम् । दि॒वि । सू॒र्यम् । 73

TS 6.1.11.4

इति॑ । आ॒ह॒ । दि॒वि । हि । सू॒र्यम् । सोम॑म् । अ॒द्रौ । इति॑ । आ॒ह॒ । ग्रा॒वा॒णः । वै । अ॒द्र॒यः॑ । तेषु॑ । वै । ए॒षः । सोम॑म् । दु॒धा॒ति॑ । यः । यज॑ते । तस्मा॑त् । ए॒वम् ।

आह । उदिति । उ । त्यम् । जातवेदसमिति जात - वेदसम् । इति । सौर्या । ऋचा । कृष्णाजिनमिति कृष्ण - अजिनम् । प्रत्यानह्यतीति प्रति-आनह्यति । रक्षसाम् । अपंहत्या इत्यप - हृत्यै । उस्त्रौ । एति । इत्म् । धूरुषाहाविति धूः - साहौ । इति । आह । यथायजुरिति यथा - यजुः । एव । एतत् । प्रेति । च्यवस्व । भुवः । पते । इति । आह । भूतानाम् । हि । 74

TS 6.1.11.5

एषः । पतिः । विश्वानि । अभीति । धामानि । इति । आह । विश्वानि । हि । एषः । अभीति । धामानि । प्रच्यवन्त इति प्र - च्यवन्ते । मा । त्वा । परिपरीति परि - परी । विदत् । इति । आह । यत् । एव । अदः । सोमम् । आह्रियमाणमित्या - ह्रियमाणम् । गन्धर्वः । विश्वावसुरिति विश्व - वसुः । पर्यमुष्णादिति परि - अमुष्णात् । तस्मात् । एवम् । आह । अपरिमोषायेत्यपरि - मोषाय । यजमानस्य । स्वस्त्ययनीति स्वस्ति - अयनी । असि । इति । आह । यजमानस्य । एव । एषः । यज्ञस्य । अन्वारम्भ इत्यनु - आरम्भः । अनवच्छित्या इत्यनव - छित्यै । वरुणः । वै । एषः । यजमानम् । अभि । एति । एति । यत् । 75

TS 6.1.11.6

क्रीतः । सोमः । उपनद्ध इत्युप - नद्धः । नमः । मित्रस्य । वरुणस्य । चक्षसे । इति । आह । शान्त्यै । एति । सोमम् । वहन्ति । अग्निना । प्रतीति । तिष्ठते । तौ । सुभवंन्ताविति सं - भवंतौ । यजमानम् । अभि । समिति । भवतुः । पुरा । खलु । वाव । एषः । मेधाय । आत्मानम् । आरभ्येत्या-रभ्यं । चरति । यः । दीक्षितः । यत् । अग्नीषोमीयमित्यग्नी - सोमीयम् । पशुम् । आलभतु इत्या - लभते । आत्मनिष्क्रयण इत्यात्म - निष्क्रयणः । एव । अस्य । सः । तस्मात् । तस्य । न । आश्रयम् । पुरुषनिष्क्रयण इति पुरुष - निष्क्रयणः । इव । हि । अथो इति । खलु । आहुः () । अग्नीषोमीभ्यामित्यग्नी - सोमीभ्याम् । वै । इन्द्रः । वृत्रम् । अहन् । इति । यत् । अग्नीषोमीयमित्यग्नी - सोमीयम् । पशुम् । आलभतु इत्या-लभते । वार्त्रघ्न इति वार्त्र - घ्नः । एव । अस्य । सः । तस्मात् । उ । आश्रयम् ।

वारु॒ण्या । ऋ॒चा । परी॑तिं । च॒रति॑ । स्वयौ॑ । ए॒व । ए॒नम् । दे॒वत॑या । परी॑तिं । च॒रति॑ ॥ 76

(अ॒न्वा॒र॒भ्यो॒थ् - सर्वा॑भिरे॒व - सूर्य॑ - भू॒ताना॑ः ह्ये॑ - ति॒ य - दा॑हुः - स॒प्तविं॑शतिश्च) (A11)

praSna korvai with starting padams of 1 to 11 anuvAkams :-

(प्रा॒चीन॑व॒शः॒ - या॑व॒न्त - ऋ॒क्सामे॑ - वा॒ग्वै दे॒वेभ्यो॑ - दे॒वा वै दे॒वय॑जनं - क॒द्रूश्च॑ - तद्वि॑रण्यः॒ -
षट् प॒दानि॑ - ब्रह्म॑वा॒दिनो॑ वि॒चित्यो॑ - यत् क॒लया॑ ते - वा॒रु॒णो वै क्री॑तः सोम॒ - एका॑दश)

korvai with starting padams of 1, 11, 21 series of pa jCAtis :-

(प्रा॒चीन॑व॒शः॒ - स्वा॑हेत्या॒हु - ये॑ऽन्तः श॒रा - ह्ये॑ष सं - तप॑सा च॒ - यत्कर्ण॑गृही - तेति॑ लो॒म॒तो
- वा॒रु॒णः - षट्॑ स॒प्ततिः॑)

first and last padam of first praSnam Of 6th KANDam

(प्रा॒चीन॑व॒शः॒ शं - परि॑ च॒रति॑)

॥ हरिः॑ ॐ ॥ ॥ कृष्ण यजुर्वेदीय तैत्तिरीय संहितायां षष्ठकाण्डे प्रथमः प्रश्नः समाप्तः ॥
